



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1610/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1610/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1610/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1610/A

G. V. Cor

1610

A


61.A.23


29293


not a book of Haines

Refutation of Haines

paper 17/11







Iani Cornarij

MEDICI PHYSICI, DE
peste Libri duo.

Pro totius Germaniæ, imò o-
mnium hominum
salute:

*Ad Clariss. virum, D. Hulderichum Mor-
dium, Illustriss. Saxonie Ducis ac Prin-
cipis Electoris Mauricij Cancellaria-
rium scripti.*

BASILEAE, PER IO.
annem Heruagium.



ROSSHERZOGTLICH
HESSISCHE
OEBIBLIOTHEK

DOUBL.

CAPITA PRIORIS LIBRI

Iani Cornarij, De peste.

Præfatio, ac operis diuifio, ad Saxonix
principis Electoris Cancellarium Mordifium.

Pestis species multæ. Cap. I.

Pestis à morbis alijs distinctio. C. II.

Quid fit pestis. Cap. III.

Vis & comitatus pestis. Cap. IIII.

Pestis quæ sint causæ. Cap. V.

Aer unde corrumpatur. Cap. VI.

Pestis futuræ signa. Cap. VII.

Præseruatio à peste. Cap. VIII.

Aeris in peste emendatio. Cap. IX.

Ciborum ac potus ratio. Cap. X.

Quietis ac motus ratio. Cap. XI.

Somni ac uigiliarum ratio. Cap. XII.

De his quæ excernuntur, aut suppri-

muntur. Cap. XIII.

De animi affectionibus. Cap. XIII.

Medicamenta à peste præseruantia.

Cap. XV.

CAPITALIB. POSTERIORIS.

Signa à peste correpti. Cap. I.

Curationis pestis modi. Cap. II.

Cibi ac somni ratio. Cap. III.

Depurgatione peste correptorum.

Cap. IIII.

a 2

Tumoris


4
Tumoris aut abscessus quæ sit cura
habenda Cap. v.
De carbunculis, pustulis, papulis, &
ruboribus in peste. Cap. vi.
Signa prænotationis de uita aut mor-
te peste correptorum. Cap. vii.
Epistola Cornarij ad Ioannem Tro-
gerum Gordeliceñ. Me-
dicum Physicum.

IANI

5
IANI CORNARII

MEDICI PHYSICI, DE PE-
ste Libri duo.

Ad Clariss. uirum, D. Hulderichum Mordis-
sium, Illustriss. Saxoniae ducis ac Princi-
pis Electoris Mauricij Cancel-
larium scripti.



Ni ista pestilētis morbilue,
quæ apud Rutenos, ut au-
dio, Clarissime Mordisi,
exorsa, mox per Liuoni-
am grassata est, et hinc ad
Lituanos progressa, dein-
ceps Borussiam inuasit,

et superiore anno mirum in modum isthic de-
seuijt, et innumera hominum milia consumpsit:
nunc autem Sarmatiã ac Poloniam peragrans,
uicinos Quados, nunc Silesios appellatos, affla-
uit: rogauit me doctus ac bonus uir Ioannes Tro
gerus, Gordelicensium medicus Physicus, ut me
am sententiam ac consilium de tam crudeli malo
conscriberem, ac in publicam utilitatẽ ederem.
Verum ob multas causas, quas referre nihil at-
tinet, id tunc ueteri amico ac studiorum sodali
non quidem denegaui: sed ut uerũ fatear, segni-
us attentaui. Iam uerò illo nuper è uiuis sublato,

Ioannes Tro-
gerus.

rem ipsam altius mecum expendens, & quod
 » Poeta dixit, cogitans; Nam tua res agitur, paries
 » dum proximus ardet: de peste comētari aliquid
 statui. Et quia publicæ utilitatis, et non ad unam
 tantum ætatem se extendēs opus, ad uirum cele-
 brem & publica nominis fama insignem mitten-
 dum esse duxi: id ipsum tibi, clarissime Mordisi,
 inscripsi, uiro diuinarū ac humanarū legum pe-
 ritissimo, & in publicam aulæ, imò totius Ducatus
 Illustrissimi Saxonie Ducis ac Principis Ele-
 ctoris Mauricij administrationē, locum nimirū
 tantæ doctrinæ & prudentiæ ac uirtutibus ex-
 plicandis aptissimū constituto, uel in primis de-
 beri id ratus, ut quem longissima uita dignissimū
 esse iudicē. Arbitror aut futurū esse, ut dum hoc
 mecum scriptum in nominis tui splendore appa-
 ret, multi id auidius arripiant, diligentius perle-
 gant, et ad suam utilitatē hoc insuper uelut man-
 gonio amplius inuitētur. Tu uerò si hanc usu-
 ram patiēter et beneuolē nobis indulseris, quod
 maxime uoluimus, assequutos nos esse putabi-
 mus. Hoc autem opus in duos libros diuidā: et in
 priore quidē à natura pestis, ad causas & signa
 progressus, præseruationē simul cōprehendā. In
 posteriore uerò curationē omnem diligenter ex-
 ponā, & rē maxime formidandā, ac dictu quoq;
 horrendā, quā breuiss. absoluā. Proinde de pe-
 ste

Sic dicturi, Hippocratis & Platonis methodum sequemur. Et primū quidē, simplex ne res sit pestis, an multarū specierū, considerabimus. Deinde definitionem ipsius colligemus. Tertio loco uim eius expēdemus, quā tum ad faciendū quid, tum ad perpetiendū habet. Quarto, recēsebimus causas, & indicabimus, quale corpus, qua de causa, facile aut cōtrā, à peste afficiatur. Quinto, signa futuræ aut imminētis pestis indagabimus. Demum adiiciemus præseruationē, ne à peste impetamur, eiusq; fugam. His autē in priore libro peractis, in posteriore mox corporis ab illa affecti ac correpti curationē subiungemus: atq; sic ad pristinam sanitatem corpus ut reducendum sit, ostendemus.

De nat. hum.
in Phædro.
Methodus
Hippoc. &
Platonis.

Pestis species multæ. Cap. I.

Multa, & serè omnia malorum genera, quæ non animantibus solum, sed etiam stirpibus ac quibuscunq; rebus accidunt, pestes latinis hominibus dicuntur: & quicquid adeo in perniciē ac detrimentū alicui rei undecunq; contingit, pestis appellari solet. Sic Cicero Catilinā pestē ciuitatis ac Reip. Ro. dixit. Et alibi: Pestes quasdā hominū laude aliena dolentiū. Et in amicitijs pestē pecuniæ cupiditatē appellauit. Virg. etia nauū exustionē, pestē appellat: Et omnes, inquit, quattuor amissis seruata à peste carinæ.

Pestes rerum
omnium.
Æneid. 5.

4 4

Atq;

Pestis in bru-
tis.

Atq; sic etiam uoluptas, & luxuria, & oratio praua, appellantur pestes: & mali doctores, ingeniorum pestes. Pestes item frugū multæ sunt, & in summa omnium rerum dicuntur: uerū per translationem nomine usurpato ac ducto, ab ea quæ uerè & propriè pestis appellatur, de qua hic agere instituimus. Quæ etiam si reliqua quoq; animantia impetat, ac perdat (Homerus enim & mulos, & canes, eam primū corripuisse canit,

Iliad. 1. ὁρῶντας μὲν πρῶτον ἐπὶ ὅχετό, καὶ λυῖας ἀγρῶς:

Lib. 2. Et Thucydides, uolucres ac quadrupedes animantes ex mortuorum in peste contactu periisse scribit: tamen nos de ea solum quæ hominibus perniciē affert, dicemus, nisi fortassis obiter etiam aliarum mentionem facere cogemur.

Pestis à morbis alijs distinctio. Cap. II.

Quandoquidem uerò pestis hoc habet, ut populariter grassetur, id quod etiam alij quidam morbi faciunt, qualis est & dysenteria, exulceratio intestinorum, & quædam febrium species, uelut ardens illa & exurens, quæ & proximi belli Saxonici tempore, & anno Christi M. D. XL. in feruentissima omnium hominum memoria æstate, multa milia hominū per Germa-

Germaniam consumpsit: qualis est item dolor capitis, cum febre acuta, ac mentis emotione, qui non infrequens fuit sub nostrae adolescentiae aetate: itemque ea insaniae species, quae paulo ante *Infania mira.* memoriam nostram, multum & diu grassata est, hominibus non decumbentibus, sed *ὀφθαλμοῖς ἀλλοῖς*, ut Hippocrates appellat, discurrentibus & saltantibus, ac choreas ad extremum usque spiritum, nisi per uim inde abstracti fuissent, ducentibus: unde etiam chorea Sancti Viti appellata est, & adhuc hodie ab imprecantibus ipsam *Chorea Sancti Viti.* appellatur. Nam & in petras nullo discrimine facto impigerunt, & in Rhenum, ac alios fluuios saltando se precipitarunt: distinguendum est à peste et hoc genus morborum popularium, siue populariter grassantium, id est *ἐπιδημιῶν*, ut Hippocrates uocat, & multa eorum genera septem libris complexus est, in quibus non solum ipsos populares morbos, quomodo uagati ac grassati sunt, describit: sed etiam aegrotos aliquot recenset, ipsorumque affectiones ab initio ad finem usque diligenter declarat, particulari exemplo singulorum adeo aegrorum posteritati relicto. Sed & idem Hippocrates *παῦνοιναι* & *παῦνοιναι* uocat, morbos omnibus communes. *Εὐδαιμονία* item uocat *τὰ κοινὰ*, hoc est communes, eo quod plerumque in gente ac re-

4

5

gione

De aere, aquis et locis.

Sudor Angli-
cus,

regione aliqua uigeant: uelut est hodie sudor ex
Anglia nomē habens, & quales sunt strumæ car-
norum, etiam si is non sit morbus letalis, sed cū-
dum quidem, non tamen acutius in perniciem.
Est itaq; etiam pestis (quam λοιμικτὸν νόσον, &
λοιμώδην ἀνάθεισι, tum Hippocrates tum Gale-
nus appellat: λοιμὸν item iidem & reliqui tum
Medici, tum scriptores Græci uocāt) ex commu-
nibus morbis omnium perniciosissimus, & gene-
re omnino popularis morbus est, & ad totum
populariū genus referri potest, uelut una aliqua
species maximē letalis. id quod Hippocrates
paucis, ut solet, uerbis, summam comprehendit,
& simul ab his omnibus aliud quoddam alio

Morborum
genera duo.

rum omnium genus distinguit, & cōtrario op-
ponit, quod dispersum & inter se dissimile ap-
pellat his uerbis, οὐόταν γὰρ μὴ λοιμώδεις νόσος
τρόπος τῆς νοσήσεως ἐπιδημῇ, ἀλλὰ σπεράδες
ἑώσι καὶ νοῦσι, καὶ μὴ παρὰ πλείστοι, ὑπὸ τῶν
τῶν νοσημάτων ἀποβήσονται μάλλον, ἢ ὑπὸ
τῶν ἄλλων τῶν συμπαγῶν, hoc est, ut ego in la-

De ratio, uic.
scut,

tino meo Hippocrate cōuerti ac dixi: Quū enim
non pestilētis morbi modus quis cōmunis grassa-
tus fuerit, sed sparsi fuerint morbi, et nō similes,
ab his morbis plures moriūtur q̄ ab alijs omnib.
Nullum autem proprium librum Hippocratem
de

le peste scripsisse, eo quod inter populares illam comprehendit, Galenus commentario eius loci tradit.

Quid sit pestis.

Cap. 111.

EX his igitur, uelut ex communi quadam consensione, definitionem colligimus ac constituimus in hunc modum: Pestis est affectio mor- Pestis defini-
bosa, contagiosa, populariter grassans, aliquan- tio.
do cum tumore aut abscessu inflamato, aut pustulis, aut ruboribus, semper cum febre serè acutissima inuadens, & breui interimens, aut de affecto corpore decedens. In hac descriptione si quis pro affectione morbosa, pestem morbum esse dicere mauult, non repugno. Mihi ad morbi genus respicienti, morbosam affectionem potius, quam morbum dicere libuit. Definiuit autem morbum Li. 1. Metho.
Galenus, affectionem præter naturam, quæ affectionem lædit: quod totum etiam de peste uel maxime accipi potest. Quod autem pestis affectio sit Morbi defini-
contagiosa, et μεταδοτική, et populariter grassans, satis in superioribus declaratum est. Et in tio.
Pæti ad regem Persarum epistola, inter Hippocraticas relata, habetur, τὰ φύσιν καὶ βοῦθήματα ὁ Hippoc, e-
ἀνείτλων ἐπιδημίων λοιμὸν πάθος, hoc est, Na pist. 2.
turalia auxilia pestilentis morbi grassationem

non

non solvunt. Vt rectè Poeta ille, Fluidæ cōtagio
 Lucan. lib. 5. pestis, dixerit: siue fluidā, eo quòd de alio ad al-
 lium transeat, appellavit, siue ad abscessus iam
 suppurati fluxionem respexit. At uerò fieri in
 Tumores & abscessus in peste.
 peste tumores inflammatos, & ignis sacri ab-
 scessus, itemq; carbunculos, qui & suppuren-
 tur & ulcerentur; Hippocrates lib. 3. morbo-
 rum popularium, in pestilenti cōstitutione per
 longum exponit, ut Galenus satis abundè com-
 mentario in eum locum scripto declarat, & nos
 in multis sæpe partim uidimus, partim ex alijs
 narrantibus cognouimus. Quòd uero pustulæ
 parvæ & ulcuscula erumpere soleant, Thucydi-
 des in maxima suæ ætatis peste, cuius sæpe Gale-
 nus mentionem facit, contigisse recenset. Quan-
 doquidem autem & acutissimam febrem affe-
 ctos miserè afflixisse tradit, totum eius locum
 Thucydide de peste lo-
 cus, lib. 2.
 ipsius uerbis adscribam. *ἡ δὲ τὸ μὲν ἔξωθεν ἀπὸ τοῦ
 μόνου σώματος ἐν ἄγαν θερμῶν ἔστι, ὅτε χλωρὸν,
 ἀλλ' ὑπέρυθρον, πελιδνὸν, φλυκταίνουσι μιν φαῖς
 ἡ δὲ ἐλθεσιν ἐξ ἐνθὺς. τὰ δ' ἐν τῷ σώματι ὅτις ἐκεί-
 το, ὥστε μήτε τῶν πάντων λεπτῶν ἱματίων ἡ δὲ
 σινδόνων τὰς ἐπιβολὰς, μήτ' ἄλλό τι, ἢ γυμ-
 νὸν ἀνέχεσθαι, ἢ δις ἅτε ἀν' ἐς ἑσθίαν ψυχρὸν σφᾶς
 αὐτοὺς ῥίπτειν, ἡ δὲ πολλοὶ τῷ τοῦ ἡμετέρου
 μόνου ἀνθρώπου ἡ δὲ ἐδράσαν ἐς φρέατα, τῇ δὲ
 ψῆ ἀπ᾽ αὐτῶν συνεχόμενοι. hoc est, Et corpus
 extrinsecus*

extrinsecus quidem ad contactum neq; ualde calidum erat, neq; iuridum, sed rubicundum aliquantulum, liuidum, pustulis paruis & ulcusculis erumpentibus. Internæ uerò partes ardebant adeò, ut neq; tenuium stragulorū ac linteorum tegmina, neq; quicquam aliud quàm nuditatem sustinerent, libentissimeq; seipsos in frigidam aquam immisissent: & multi sanè qui neglectim haberentur, hoc ipsum fecerunt, in puteos se precipitantes, quum siti inextinguibili tenerentur. Hæc Thucydides. Et profectò Galenus & Lib. 1. de differ. feb. Medici Græci, Aetius & Paulus, adeò non dubitant febrem acutissimam in peste adesse, ut etiam Lib. 5. ca. 94. Lib. 2. cap. 35. pestem ipsam, pestilentialem febrem appellēt. Aliquādo enim, dum humidior & calidior fit ambiens nos aer, pestilentem constitutionem inducit. Et quia sunt in corpore humores ex Pestem dici etiam pestilentialem febrem, uitiatu uictu ad putrefactionem idonei, hinc adeò principium fit febris pestilentis. Quapropter Hippoc. in lib. de Flatibus, febrium genera duo facit, quorum alterum, inquit, commune omnibus, pestis appellatur: alterum propter malam dietam priuatim his contingit, qui ea utuntur. Et Galenus Commentario primo in sextum librum Morborum popularium Hippocratis, & μὲν οὖν αἱ τῶν πᾶσιν febres ab Hippocrate appellatas, nullas alias quàm pestilentes esse censet, & ipsam

Pestis absq;
febre.

Pestis sine ab-
scelsibus.

sam adeò pestē. Mox enim ubi pestilentes febres appellauit, Thucydida de peste locū iam à nobis relatū adscripsit, ut illius λοιμὸν palàm λοιμὸν αὐτὸς πύρετον appellet. id quod etiā li. I. de Febriū differētijs facit. Sūt tamē qui fieri posse putāt, ut tāta sit corrupti aeris uis, ut uenenū eius ad cor delatū, prius hominē occidat, q̄ ullus calor febris emergere possit. Quare hac sola species, pestis solū, nō etiā febris pestilēs dici posset. Quāq; etiā ipse Galen. li. 9. Simp. medica. ubi de bolo armeniaca agit, quosdam penitus sine febre, in peste esse dicat, aut parum febrere, quū neq; uehemētes sint calore febres pestilētiales. Sicut quoq; compertū est absq; ullorum tumorum, abscessuumq; ac pustularum apparitione absumptos esse peste seuissima correptos, uiribus ipsorum adeò attritis, ut principes partes, cor, cerebrum & hepar non potuerint ueneni uim à se depellere, & ad suos locos, quò se uelut emungere solent, reijcere. Rectē ergo in definitione additum est, breui ipsam interimere, aut de affecto corpore decedere. Sed de his rursus dicendum est.

Vis & comitatus pestis. Cap. IIII.

IAm uerò ex his quæ relata sunt, satis constat, quæ sit ipsius pestis uis, & quid facere possit in his corporib. quæ inuasit, præsertim quū magnā adeò seuissimorū symptomatū, uelut truci lentissimorū militū copiā secum trahat. Omnia enim

LIBER I.

17

enim horredissima, ut Paulus & Aetius ex Ru-
fo tradunt, in peste fieri possunt, & nihil occul-
tatum manet, quemadmodum in singulis morbis.
Nam & deliria fieri possunt, & bilis uomitus,
& precordiorum distentiones, dolores, sudores
multi, extremarum partium frigiditates, profu-
sia alui biliosa, tenuia, flatuosa. Urinae aquosae,
tenuis, biliosa, nigrae, malas subsidentias habentes,
& ea quae in medio innatant pessima, sanguinis
de naribus stillationes, ardores in thorace, lin-
guae torrefactae: siticulosi sunt, anxij, uigilantes,
convulsiones violentae. Sed & alia prava ulcera
& carbunculosa & pernicioosa in peste fieri pos-
sunt, & in reliquo corpore, & in facie, et in ton-
sillis. At contra tantam pestilentis morbi uim, contra
tantum grauissimorum symptomatum comitatum,
quantum est quod a nobis fieri potest, at ille rur-
sus patiat? Futurum & imminem ex certis
signis praenoscere possumus: uenientem iam fu-
gere & fugare: irruentem etiam ac illapsam, de
occupato corpore propellere, si Deus propitius
benigne medicamentorum facultati aspirarit.
Sed de his paulo post agemus. Iam enim ut cau-
sas consideremus, consequens est.

Lib 2. ca. 38

Lib. 5. c. 97

Pestis quid
pati a nobis
possit.

Pestis quae sint causae. Cap. V.

Pestis causam uetustissimas quasque gentes ad
deos retulisse constat. & Galenus: Om-
nes homines, inquit, pestes appellant & sciunt,
pernicio-

Comment. 2.
morb. pop.
principio

- perniciosos morbos esse . Sed & sepe ad deos mittunt qui percunctentur, quomodo ab ipsis sanari possint . Quā itaq; deos de sanatione percunctentur, non aliud uidentur credere , quā ipsas pestes ab illis immissas esse propter peccata : quæ quomodo expiare conueniat, ut illi placeantur, legatos ad responsa à dijs petenda mittunt. Videtur tamen hoc alibi Galenus negare, & Hippocratem quoq; in nullo genuino ipsius scripto ad deos morborum causam referre , in Commentarijs in Prænotionum illius librum affirmat. Plato etiam maximos morbos ac dolores, ob peccata hominum , ex deorum ira oriri
- Pestis a diis.** In Phædro. tradit, & ex immissa alicui insania eosdem monere quid sit faciendum , & quòd ad preces ac cultus deorum sit confugiendum. Atque hoc modo Homerus Calchantem uatem inducit, qui & pestis in exercitu Græcorum causam, lesum Apollinis numen docet, & quomodo numē placari possit, ut pestis sedetur, dicit: nimirū si pro neglecta contempti sacerdotis Chrysæ religione, filiā huic raptam restituant , ac centum boves immolent. Dixerat autem antea de Apollino poëta, νῆστορ ἀνὰ στρατὸν ὦρσε ναυλὸν, ὀλέοντο δὲ λαοί· hoc est, Immisit pestem, qui in perniciem populorum. Et ut non solum Apollinis ira pestis caussa crederetur, dixit, Διὸς δ' ἐτελέετο βουλῆ:

βῆλῃ. hoc est, Iouis est perfecta uoluntas. Sacra
 certe literæ ueteris instrumenti Deū pestē immut-
 tere multis locis testantur, & non solū pestem, Pestis cū bel-
io & fame.
 sed unā cum peste famem & bellum: & secundo
 Regū quarto & uicesimo, Dauidi optio datur,
 an famem septem annorum, aut bellum triū men-
 sium, aut pestem trium dierum eligere malit. Si-
 cut autem Dauid elegit pestem, breue & nō diū
 durans malum: ita in Hieremia & Ezechiele, Hier. 7.
Ezech. 21. &
33.
 tria illa mala simul immittuntur. Nec ignorauit
 hoc Homerus dum ait, εἰ δὴ δῆς πόλεμος τε καὶ
 μάχαι καὶ λοιμὸς ἀγχαῖς, hoc est, Namq; simul bel-
 lum domat, unā & pestis Achiuos. Sed & Thu- Pestis tēpore
Thucydide,
 cydides pestis illius magnæ, quæ ex Aethiopia su-
 pra Aegyptum sita, initium sumpsit, & inde in
 Aegyptum & Libyam descendit, & hinc Persæ
 rum regis multam terræ partem occupauit, &
 postea Athenarum urbē de repente inuasit præ-
 dictonem talem quandā longē antea fuisse scri-
 bit ἡγεὶς Δωριανὸς πόλεμος, καὶ λοιμὸς ἀμὲν αὐτῶν. cc
 hoc est, Doriacum ueniet bellum, pestis simul in- cc
 de. Quum autem dubitaretur, an de peste, aut de
 fame accipiendum esset, propter ambiguam uo-
 cis λοιμὸν scriptionem, quæ si per i in priore syl-
 laba scribatur, famem: per o: diphthongum, pe-
 stem significat: tunc demum compertum esse di-
 cit, pestem, non famem, prædictam esse: tunc eius
 b mali

Monasterien
se regnum.

Aeris corru
pti inspiratio

In Thexteto

mali impetu per omnem Athenarū urbem grassante. Et nos quoq; nostro seculo Monasteriense Anabaptistarum regnum, bello & fame ac peste simul absumi uidimus: sed ita, ut non pauci etiam ex his, qui illos obsidione premerent, iisdem malis, maximè tamen peste perirent. Non tamen aliter pestem immitti, quàm per aeris corrupti inspirationem, ac corporum peste infectorum contactum: siue is contactus ex ciborum ac potus, siue ex communis lecti, aut lauacri & balnei societate contingat: satis constat, & procompertissimo habetur. Velut etiam supra ex Thucydide, de uolucris ac quadrupedibus diximus, ex mortuorum in peste contactu ea perijisse: quanquam etiam hic contactus non alio modo magis, quàm per inspirationem inficere uideatur. Nec ignorauit hoc Homerus, in omnibus sapiens Poeta, ut Plato ait. Nam de Apolline, quem eundem Solem esse scimus, dicit, quòd iratus, suspensa ex humeris pharetra descenderit de uertice Olympi, & confederit ad naues Græcorum, primumq; spicula in mulos ac canes immiserit. Deinde etiam ualdè letalia in ipsos homines. Ibat autem, inquit, nocti similis, ὅ δ' ἄγε ρυτὶ ἐοικὸς. Ex quibus omnibus, solis ex corrupto nubilo soq; ac turbato aere, obscuracionem significat: unde immittuntur spicula

cula in omne animantium genus, quod necessa-
rio ex inspiratione illa excipit, quum sine aeris
attractione uiuere nullum possit, & his spiculis
ad cor, & principes partes delatis, ac infixis,
perit.

Aer unde corrumpatur.

Cap. VI.

Corrumpitur autem aer, ex putridis ac
grauolentib. exhalationibus, uelut con-
tingit in bello, dum mortua corpora insepulta
iacent, aut non comburuntur. Idem etiam in
magna fame accidere solet, ut præ multitudine
morientium non sint, aut non sufficiant uestpil-
lones: quæadmodum auorum etate in Thuringis con-
tigit, Anno Christi M. CCCC. XXXVIII. Exhalatio-
nes putridæ.
quo tempore omnes plateæ ac uie, & in urbi-
bus, & in uicis ac uillis, & in itineribus per om-
nem regionem, ex fame, & mox sequuta pe-
ste, mortuis corporibus obsitæ fuerunt. In cu-
ius mali memoriam hodieq; Erphordenses pi-
stores, panes illos minutos, aut pastillos potius,
Marcesios appellatos, quotannis uenum propo-
nunt, quorum unus nucis iuglandis magnitudi-
nem habens, tunc temporis nummo uulgari eius
regionis coemptus fuit. Sed & æstatis tempore,
dum lacus, aut paludes, aut alij loci cœno-
si, grauem exhalationem emittunt, aer cor-
rumpi

Thuringiaca
fames ac, pe-
stis.

b 2 rumpe

rumpi solet. Vnde in maritimis ad Oceanū magnum urbibus contingit, ut ad finem æstatis, & sub autumnum singulis ferè annis, pestis se ostendet. Quin & ex uentis ac spiritibus è barathris

Comment. 1.
morb. popu.
principio, &
lib. 7. de usu
part. & Cō-
ment in Hip-
poc. lib. de na-
tu. huma.
Lib. 2. ca. 93.
Plinii locus.

erumpentibus, quales è Charoneis barathris appellatis prodire Galenus refert, ac corrūpitur ac uitiatur. Nā χαρωνεῖωρ legendum esse, & non χαρωνεῖωρ, uelut exemplaria hætenus usque ad nostram editionem habuerunt, Plinius indicat, cuius uerba adscribam, ut inde Galeni loci melius intelligantur. Spiritus letales alibi, aut scrobi

- » bus emissi, aut ipso loci situ mortiferi, alibi uolu-
- » criōus tantum, ut Soracte uicino urbis tractu: a-
- » libi præter hominem, cæteris animantibus: non-
- » nunquam & homini, ut in Sinuessano agro &
- » Puteolano sunt, quæ spiracula uocāt, alij Charo-
- » neas scrobes, mortiferum spiritum exhalantes.

Hæc Plinius. Videntur autem huiusmodi scrobes, ubicunq; tandem locorum sint, in communi Charoneæ appellari, quòd ad Charontem usq; ut arbitror, peruiæ sint, & inde usq; ad nos pestiferum halitū transmittant. Quapropter quod

Empedocle's
machinamen-
tum in peste.

de Empedocle tradunt, ipsum obtētis ac circum ciuitatem obductis asininis pelibus propulsasse uim uentorum, qui urbem Agrigentum multum infestarent: ego de nullis alijs uētis accipiendum puto, quàm de talibus qui ex Charoneis quibusdam

dam uicinis scrobibus eruperint, ac exhalarent. Neq; enim uideo, quomodo alium aliquem uentum hoc machinamento prohibere potuerit, ne ciuitatem perflaret. Atq; hæ quidem sunt cause aerem corrumpentes, & sic pestem inducentes, externæ appellatæ & laceffentes, tum maxime, ubi internam in corporibus antecedentem repererint. Ea autem est humorum putredini obnoxiorum ex praua uictus ratione collectio. Nul- Causa pestis interna.
la enim causa efficax esse potest, sine eius qui patitur aptitudine. Itaq; sæpe compertum est, ut in magnis pestis malis illasi mæserint ab externi ueni per inspirationem attractione, qui pura ab huiusmodi humoribus corpora habuerunt. Et contrà, qui impura, statim à prima inspiratione principium putrefactionis acceperint, ita ut malum semper ampliorem progressum fecerit, quum illis etiamsi quid accidisset, facilimus ad naturalem statum reditus contigerit. Necesse est enim, dispositionem quandam in corporibus esse, ac an- Lib. 2. de anima.
tecedere, in quæ cause externæ impressionem facere debent. Atq; hoc est quod Aristoteles dixit, cc
actiones eorum quæ agendi uim habent, tum de- cc
mum potenter agere, ubi in corpora ad perpe- cc
tendum idonea inciderunt. Quapropter etiam quum aeris temperies à naturali statu, ad Aer calidus, & humidus, pestilens.
ditatem ac caliditatem, immodicè excessum fecerit,

b 3 cerit,

cerit, pestilentes morbos fieri necesse est, & ab ipsis maximè affici cos qui iam pleni sunt superflua humiditate. Sed iam ad signa futuræ pestis prænotationem exhibentia, transeundum est.

Pestis futuræ signa.

Cap. VII.

Hominū per-
uersitas.

ET de eo quidem, quòd pestem à Deo immit-
ti cognoscamus, multa sunt quæ singulos
quotidiano tum sui ipsorum, tum aliorum ex-
perimento monent. Si enim uideas mundum ui-
tijs omnis generis corruptum, ac reuera immun-
dum, diuina pariter ac humana omnia contem-
nentem, sua curantē, aliena negligētē, præter
charitatis Christianæ rationem, pro suo commo-
do omnia metientē: quid aliud expectes, quàm
iustam Dei iram? Rectè enim commonuit scri-
ptor epistolæ illius, in qua dicit, Omnis trāsgres-
sio & inobedientia iustā præmij repensationem
accepit. Nam etiam si ambigua sit in græcis hu-
ius loci lectio ac intellectio (interpretes enim cō-
uerterunt hāc lectionē, πᾶσα παράβασις καὶ πα-
ράνοη ἐλάβεν ἑαυτοῦ μισθὸν ὀδύνην: ueteres
autem codices quidam non uocem παράβασις,
sed παράφασιν habent, quæ falsam interpreta-
tionem significat, ut etiam παράνοη pro falsa
&

& erronea intelligentia accipi posse uideatur)
 tamen eiusmodi mala, utraq; lectione ac signifi-
 catione indicantur, quæ non possunt grauen-
 magni & potentis Dei indignationem effuge-
 re. Reuera enim cernit Deus omnia uindex, ut
 Poeta ait, *ἔχει θεὸς ἐνδύνομ' ὄμμα*: ut uel hoc tē-
 pore maximè non solum pestis, quæ Dauidi o-
 ptabilis esse uisa est, sed & bellum & fames si-
 mul nobis immineant. Quod uerò ad tēporum
 mutationes attinet, pestes maximè significant
 hæ, quæ ad nimiam caliditatem ac humidita-
 tem tendunt. Nam mutationes temporū, inquit
 Hippocrates, maximè pariunt morbos: & in
 temporibus magnæ mutationes frigoris, aut ca-
 loris: & reliqua iuxta rationem hoc modo. At
 contrà, si tempora anni naturali modo aliud in
 aliud transeant & mutantur, neq; pestem, neq;
 aliquē populārē morbū fieri posse, & ratio &
 experientia testatur. Sed multa huc faciētia ex
 eodem loco, & ex libris morborū popularium
 colligi possunt, quæ tædiosum sit omnia huc
 adscribere, in tanta præsertim hodie & Græ-
 corum & Latinorum exemplarium copia. At
 uerò corrupti aeris nos ambientis certissima si-
 gna sunt, si uolucres in terram decidant ac pere-
 ant, ut quæ in acre degentes prius quàm homi-
 nes pestis affectionē experiūtur. Si uerò prauæ
 b 4 ex terra

Temporum
mutationes.

Sectione 7.
aph. 1.

Volucres inte-
ritus.

Quadrupedū
inferitus.

Piscū mors.

Reptiliū mul-
tudo.

Lib. 17. c. 24.

Plinii locus.

Siderū & pla-
netarum præ-
notiones.

Astronomiæ
ratio.

ex terra exhalationes, & aerem uiticent, & pe-
stem inducant, quadrupeda animantia prius illa
corripiet. Porro corruptione in aerem ex aquis
exhalante, pisces & ranas mortuas innatare ui-
debis. Quin & reptilium omnis generis, & mu-
rium, & cochlearum terrestrium, & crucarum,
ac aliorum uermium, præter solitum morē mul-
tudo, ex corrupto aere ac putrefactione ortum
habet, & pestis futura signa sunt. Nasci autem
,, hinc crucas, Plinius testatur: Nascitur, inquit,
,, hoc malum tepore & humore lento. Sed exem-
plaria uulgata corruptam lectionem habēt, Na-
scitur hoc malum tempore humido et lento. Pos-
sent hoc loco certi siderum positus, motus, cur-
sus, ortus, occasus, & affectiones: planetarum i-
tem inter se aspectus, pro coniunctionis aut op-
positionis, sextilis item & quadrati ac trini ra-
tione referri, qui haud dubiè non signa solum fu-
turatorum hominibus malorū, & uel maximè pe-
stis existunt, sed etiam aliquo modo cause. Sed
sunt hæc iam aliis scientiæ, Astronomiæ, à qua
Medicus omnino alienus esse non debet, quum
& Hippocratem & Galenum uideat eam non
auersari. Nam etiamsi utriusq; nomine circumla-
ti libelli quidā non sint genuini, uelut huius ex
mathematica scientia, prognostica De decubitu
infirmorum inscriptus: illius de affectione egro-
rum

rum secundum Lunam barbarissimè scriptus: ta-
men satis multa ad eam artem pertinentia in li-
bro de Aere aquis & locis Hippocrates refert.
Et in Prænotionum libro, ubi an quid θεῖον, id
est diuinum in morbis sit, prouidere iubet. Gale-
nus nihil aliud accipiendum esse demonstrat per
uocem θεῖον, quàm aeris nos ambientis constitu-
tionem, de qua etiā in Aphorismis dixit, ut pau-
lo antè à nobis relatum est, & quam siderum or-
tu & occasu, & alijs ipsorum tum effectiōibus,
tum affectiōibus mutari omnibus cōstat: & Ga-
lenus in Commentario in primū librum de Mor-
bis popularibus Hippocratis declarat, multa ad
Astronomiam conferentia adducens. Sed & lib.
1. de dieta siue uictus ratione, Hippocrates hæc
uerba prodit: Astrorum ortus & occasus cogno-
scere oportet, quo mutationes & excessus cibo-
rum ac potuum, & uentorum, & totius mundi,
ex quibus sanè morbi hominibus oriuntur, ob-
seruare sciat. Quapropter obseruabit quidem
Medicus etiam Astronomiam, sed non nimis an-
xiè ac superstitiose illi se addicet, neq; hinc præ-
notiones uelut penitus certas faciet. Nam hoc fa-
cere, si non ab arte Medica alienum, certè ali-
quāta magis quàm conuenit, curiosum esse uide-
tur: quum tot signa ac causas euidentiores in pro-
pinquo habeat, per quas etiam magis ac tutius

Astronomia
Medico qua-
tenus specian-
da,

b 5 persuas-

persuadere, & arti fidem facere potest. Sed & μετέωρα, quæ in sublimi ære generantur, Medicus prudens non negliget, quum hæc exhalatione ex inferioribus sublata fiant, & ortus sui significationem præbeant. His itaq; signis nos de futuro malo admonentibus, nihil iam amplius restat, quàm ut iustam Dei iram effugiamus ac uitemus, aut declinemus, aut deprecemur: uelut iussus sumus orare, ne in tentationem mali incidamus, & à malo liberemur: & ut quatenus homini datum est, nos custodiamus ac præseruemus, de quo deinceps agendum est.

Præseruatio à peste.

Cap. VII.

Christianus equidem homo, uitæ suæ commendatione, & oratione ad Deum, per Christum filium eius unigenitum, Dominum nostrum, precabitur: & expectabit, ut Domini uoluntas fiat: atque hoc eo magis, quòd etiam Poetam Homerum, uelut supra diximus, uidet **Roman. 14.** in Louis uoluntatem omnia referre. Et illud Apostoli sepe memoria repetet: Siue uiuimus, siue morimur, Domino uiuimus & morimur: & siue uiuamus, siue moriamur, Domini sumus. Et satis **Horatius.** piè monuit Poeta: Immortalia ne speres, monet
 „ annus, & almiū Quæ rapit hora diē. Quod uerò ad

rò ad præseruationem attinet, quam quis sibi ipsi præstare potest, cauendum in primis est, ne corpora putredini obnoxios humores contrahant, id quod & ex ciborū ac potus multitudine, & ex eorundem quoq; uitiatione cōtingere potest. Nam sicut in superioribus diximus, aut parū lædūtur, aut penitus illæsi manent, qui corpora pura habent. Proinde exquisitam uictus rationem instituere oportet, eamq; maximè ad siccitatem uergentem, quum sic corpora minimè omnium putrefactioni sint obnoxia, cuius exemplum in lapidibus & metallis uidemus. Quandoquidē uerò uictus ratio se non tantum ad cibum & potum extendit, sed rerum etiam aliarum, non naturalium appellatarum, quæ tamen contra naturam non sunt, etiamsi ex his corpus necessario alteretur, ut Galenus ait, iustū usum comprehendit: deinceps de singulis dicemus, ab acre initium sumentes, qui primus ex illarū numero habetur, quæ senario comprehensæ sunt.

In synago, de
puls. & in ar-
te medica.

Aeris in peste emenda- tio. Cap. IX.

AErē itaq; penitus cōtrariū pestilēti cōstitutioni efficere oportet, ita tamē, ut alio quo modo tēporū anni ratio habeatur. Nā etiā si humida & calida sit aeris cōstitutio in peste, ideoq;

Aeris muta-
tio.

ideoq; ad siccitatem ac frigiditatem permutationem requirat: tamen temporum anni habitatione, hæc mitiganda sunt in eum modum, ut ex his temperatis, tēperamenta corporibus inducantur. Id quod fiet, si non modò pestilenti constitutioni, sed etiam affecto corpori, et anni tempori contrarium aliquo modo acrem procuraueris, iuxta illud Hippocratis: Contraria contrariorum sunt remedia. quòd alibi dixit, ἰησις ἀντίθεον μὴ ὁμονοεῖν τῷ πάθει, hoc est, Sanatio contra sentientem non consentire affectioni. Et in Aphorismis præcipit: Quæcūq; perfrigerata sunt, excalfacere oportet. Atq; hoc dictum Galenus perpetuò uerū esse dicit, quòd uidelicet contraria sola primariò & per se, contrariorum sint remedia. & de eo quòd ab hoc Hippocrate rectè dictum sit, libellum se scripturum esse ac demonstraturum alibi dixit. Sed is aut scriptus ab eo non est, aut ad nos non extat: alioqui satis clarè inde occurreretur his, qui friuola ac frigida argumenta contra huius dicti ueritatem proferūt. Sed adscribā Ammonij ex Cōmentario in

” quinq; uoces Porphyrij uerba ὅθεν τῆς γεωμε-

” τρίας οἱ λόγοι ἀπ’ αἰσθητικῶν, ὡς ἔχει ἐν εἰνὸ

” παντὸς κινήσαν τὰ ἀπὸ τῆς κέντρου ἐπὶ τὴν περι-

” φέρειαν, διαστήματα ἴσα εἰς ἄλληλους, τοῦτο

” γὰρ ὡς αὐτὸς ἔχωρ ἐστίν. οἱ δὲ τῆς ἰατρικῆς πρῶτος

σιν,

Lib. 6. morb.
popul. sectio.
ne 5.

Secli. 5. apho.
19.

Lib. 11. meth:

Comment. 2.
in 6. morb.
popul.

Ammonii ca
uillum cōtra
Hippocrat.

σιμῶς ὁ λέγων, τὰ ἐναντία τῶν ἐναντίων ἰάματα
 ταῖα διὰ τὸ μὴ πρὸς τὸ ὡσαύτως ἔχειν αἰνιγμα-
 τικῶς. πρῶτον γὰρ ὅτι πάντων τῶν νοσημάτων ἰά-
 ματά ἐστι. τί γὰρ εἰναι νόσος ὁλεθρία ἢ ἄλλως τε
 ἔστιν ὅτι οὐτὸν ἀνάνισια προσάγασιν, ἀλλὰ τὰ ὅμοια,
 ὡς ἐπὶ τῶν κατὰ συμβεβηκός. πολλάκις γὰρ ψυ-
 χρὸν ὑδωρ ἐπιχέμενον ἡτονηνύαν ἡδὴ θερμότη-
 τα ἀνεκαλέσατο. Hoc est: Geometriae dogmata
 non uacillant, uelut illud, In omni circulo distan-
 tia à centro ad circumferentiam inter se æqua-
 les sunt. Hoc enim similiter se habet. At Medici-
 na dicta uacillant, uelut is qui dicit, contraria
 contrariorum sunt remedia: eo quòd non circa
 id quod similiter se habet, semper contingit. Pri-
 mum enim neq; omnium morborum remedia
 sunt. Quid enim, si morbus fuerit letalis? Et alio
 qui quandoq; non contraria adhibent Medici,
 sed similia, uelut in his quæ per accidens operan-
 tur. Sæpe enim frigida aqua affusa, debilitatam
 iam caliditatem reuocauit. Hæc Ammonius. At
 ex mero sophistico cauillo utrunq; argumentum
 productum esse, non eget multa demonstratio-
 ne. Dixit enim Hippocrates ἰάματα, ut exclude-
 ret ea quæ curari non possunt, ut quorum non
 sunt ἰάματα. Nam eorū quæ sanari possunt, so-
 lum ἰάματα dicuntur, & sunt ea reuera contra-
 ria contrariorum sola primariò & per se, si sa-
 nari

nari illa debent, uelut disertè Galenus Commen-
tario secundo in sextum Morborū popularium
Hippocratis adiecit, & secundum Ammonij ca-
uillū palām refutauit, similia etiā asserentis per
accidens sanare, uelut frigida aqua sepe affusa
debilem caliditatem reuocare potest. Nam Am-
monius aut Hippocratis locū non intellexit, aut
libēter falso citauit, aut certè ultrò quod falsum
est dixit. Nō enim simpliciter frigida aqua affu-
sa debilitatā caliditatē reuocat. Tantū enim ab-
est ut hoc faciat, ut potius illā uincat & extin-
guat. Sed in frigido morbo distētionis ac rigoris
neruorū, tetano appellato, eoq; sine ulcere, si is
sit in iuvene carnosio, astate media multa frigida
affusionem, caloris reuocationem facere, Hippo-
crates ait, & calorē hunc à frigido morbo libe-
rare. Non autē in tetano solū, sed in omni cōuul-
sione, hoc contingere, Galenus hunc locū expo-
nens ait: et ex hoc manifestū fieri addit, quod nō
ex sua ipsius ui, frigida morbū sanet, sed per ac-
cidēs, quandoquidē iuuenib. carnosiss calorē re-
uocationem facit: id quod in alia aetate facere
non posset, sicut neq; in alio tēpore quā in me-
dia astate. Nam frigida allapsio aut insitū calo-
rē uincit, aut cōgregat. Vincit, ubi is debilis est:
cōgregat, ubi fortis est, perspirationē ipsius co-
hibēs ac impediēs. Cauillatur igitur Ammonius,
& non

s. apho. 22.

Accidētis ra-
tio.

Frigidæ aque
uis.

Et non solum cauillatur, sed aperte falsa asserit. Cōsimiles sūt cauillationes, quas Galenus supra citato loco refellit, nimirū eorum qui fieri posse asserūt, ut caluus Medicus caluū egrotū, claudus claudū, similis simile curret. Nam & hæc per accidēs contingūt. Verūm lōgius euagati, ad cōtrarium pestilenti constitutioni aerem inducendū reuertamur. Ex hoc profectō clarā nominis famā cōsequutus est Hippocrates, in ea peste quæ ex Aethiopia exorsa, Graciā & Athenas inuasit: quæ illa adeo est, de qua Thucydides, uelut supra ostendimus, scripsit. Nam ut Galenus ait, in multis locis per urbem extructis pyris, & odoratissima ligna, et suauissimos flores ac coronas incendit, & aromata ac ungenta inspersit, ut tum ignis siccitate, ac beneficio eius qui omnia in suā naturam conuertit, tum odorum fragrantia, corruptum aerem emendaret. Ob cuius beneficij gratiam, in maximo honore apud Athenienses habitus est, & auream statuam meruit. Idem etiam Empedocles, & Acron, Agrigentini ambo fecerunt, etiam ante Hippocratem. Nam ambo Athenis philosophiam sectati sunt, et Parmeniden audiuerunt. Ad horū itaq; exemplum etiam nos resiccationem ac purificationem aeris moliri possumus, pro temporum ac locorum ratione, totis pyris per urbium uicos constructis,

Pestis Thucydides & Hippocratis eadem.

Ad Pisonem de Theriaca,

Pyre ignis ab Hippoc. extructæ.

Ligna & ma-
teria igni ido-
nea.

Suffitus odo-
rati.

Aquarum di-
spersio.

constructis, aut in priuatis domibus luculento i-
gne excitato, mane maximè, si aer obscurus fue-
rit & nubilosus, ex lignis & natura & reposi-
tione siccissimis, diu antea ipsorum confectione
facta. Talia sunt quernæ, fagina, iuniperi, &
sarmentorum uitis. Quercus etiam folia sicca-
ta, & lauri, ubi haberi possunt. His adijci pos-
sunt rosmarinus, salvia, hyssopus, sampsuchus,
thymus, thymbra, serpillum, pulegium, & ab-
sinthium, omnia siccissima ex diutina repositio-
ne facta. Potest etiam parari suffitus, iniectis ad
prunas granis iuniperi, trochiscis de campho-
ra, & gallia muscata appellata, & his pastillis
qui ad suffitum priuatim in Pharmacopolijs pa-
rantur. Potest etiam de ambra & musco quid
per se igni iniici. Debet tamen in his omnibus
temporum anni ratio, uelut ab initio diximus,
haberi, ut pro singulorum temperamentis repa-
randis, aeris uel ad siccitatem ampliorem, uel ad
frigiditatem & humiditatem, ut in feruentissi-
ma æstate: uel ad caliditatem aliquam, ut in hye-
me, commutationes fiant. Quapropter æstate
etiam aqua rosacea, aut uiolarum ac nymphaeæ,
per aedes ac cubicula spargi potest: imò etiam ip-
sa rosa, uioleæ, ac nymphaeæ, & si quæ alia frigi-
dam facultatem habent. Potest etiam aqua pu-
ra fontana cum modico aceto diffundi. In hye-
me uc-

me uerò suffitus relati præstant. Reliquis tempo-
ribus iuxta horum rationem, eadem fiant. Con-
ducit etiam odoramentis ad nares admotis fre-
quenter uti, præsertim in uijs publicis, cœtibusq;
hominum ac concionibus. Tale autem maxime
hyeme competit, quod recipit, masse pomi am-
bræ uncia semis, ambre grana tria, moschi gra-
na quinque; coguntur cum aqua lauendulæ in mas-
sulam rotundâ, pyxide argentea aut lignea mul-
tis foraminibus perforata excipiendam. Massæ
uerò pomi ambre cōpositio hoc modo fieri po-
test, ut recipiat, Styracis calamitæ boni & ele-
sti uncia dimidium, ladani drachmas decem, li-
gni aloes drach. tres, caryophyllorum drach.
tres, rosarum drach. tres, moschi scrupulum u-
num, ambre scrupulos quinque. Conterantur gum-
mosa cum pistillo calefacto, & inspersis pulueri-
bus, omnia in massam cogantur. Competit &
hoc hyeme, quod recipit florum lauendulæ, sam-
psuchi, mentæ crispæ appellatæ, singulorum pu-
gillum unum, caryophyllorū scrupulū unum,
nucis myristicæ scrup. semis, ligni aloes scrup. se-
mis. Incisa crassiorem in modum ligentur in syn-
done, forma pomi. Aestate rursus hoc conuenit,
quod recipit, florum rosarum, uiolarum, nym-
phæ, singulorum drachmam unam, sandalo-
rum omnium, singulorum drachmam unam aut
c dimidiam,

Odoramenta
naribus ad-
mouenda.

Pomi ambre
compositio.

Pomorum odo-
ratorum for-
ma.

dimidiam, camphoræ scrup. unum. Contusa in puluillū crassiusculū, illigentur syndoni. Et hoc quod recipit, castorij drach. unā, cāphoræ scrup. unū, sandaliorū omniū singulorū scrup. unum. Contusa illigētur syndoni, eaq; cooperiatur spōgiola rara, & excipiat pyxide argētea aut lignea, de iuniperi ligno maximè, sepe in aceto, aut rosacea tingenda. Possunt aut horū mixtura uariari ac tēperari, etiā pro reliquorū anni

Mutatio lo-
corum
6. Morb. po-
pul. sect. 5.

temporū ratione. Quandoquidē uerò mutatio aeris, etiā loci mutatione cōtingit: & loci mutatio non solum in morbis longis, ut Hippoc. ait, γλῶ μεταμέβειν σύμφορον ἐπὶ τοῖς μὲν ποῖσι καὶ σὺν χρόνῳ: sed etiam in peste utilis est, si quis uenientem pestem fugere potest, nec officijs publicis morantibus, nec rei familiaris angustia impedi-

Fuga in peste

tus, nihil prius faciēdum esse censeo. Nam quod iā per quinquaginta annos nulla magna et universalis pestis per Germaniā grassata est, ego fugam mali non minimam causam esse puto. Ante hoc enim tempus sepe aliquot milia hominū ex nō magna admodum ciuitate consumpta sunt, uelut a patribus accepimus: quū nemo adeò ex ciuibus fugeret, aut adeò sibi cauere, siue pietatis & religionis, siue contemptus uitæ causa, id fecerunt. Iam uerò in hac hominū fuga, dū alius hic, alius alibi meliorem & purū aerē querit: & dum

Et dum alij in certas ades correptis preparatas deportantur, alij etiam in suis includuntur, ita ut rebus necessarijs per fenestram aliquā immis- sis, nemo inde in publicum se conferat: cōtingit, ut et illi qui fugerunt ac separati sunt, scrue- tur: et qui reliqui manēt, minus infestetur: quū periculum etiam ampliatur in populosa urbe, et magna hominum multitudine uersantibus. In fuga aut potius adeundos esse eos locos, ubi nondum præsens tēporis pestis fuit, quā eos unde discessit, rationi consentaneum esse uide- tur. Quanquam ego neq; hos omnino fugiēdos putem, si tribus ut minimum mensibus malum isthic grassari cessauit, et si nulla reliquiarū for- mido sit. Qua in re si optio daretur, Locros aut Crotonem adeundi, omnibus hi loci præsferendi essent: quum Plinius prodat, apud has gentes pe- stilentiam nunquam fuisse. Et Croton in pro- uerbiū abierit, quo Crotone salubrius dicitur, quicquid absolutam integritatem habet. Qua- propter non temerè est quod uulgo dicitur, fu- giendum esse citò, longè, tardè. Citò enim fugi- dum est, priusquā malum ingruat: longè, quū ad propinquū, quò quis se cōferat, facile sequi pos- sit: tardè uerò, de reditu accipiendū est, qui non fieri debet, quādiu ulla aliqua mali suspicio ad- est: et nō antea quā tres mēses, uelut diximus,

Pestis ubi
nunquam.
Lib. 2. ca. 96.

6 2 præ-

Li. 7. cap. 50. præterierint, ab eo tempore quo pestis cessauit.

» Nam quod Plinius scribit : Qua in re obserua-
 » tum, in meridianis partib. ad occasum Solis pe-
 » stilentiam semper ire, nec unquam ferè aliter fie-
 » ri nisi hyeme, nec ut ternos excedat menses: par-
 tim constans est, partim ambigit. Quòd enim ter-
 nos menses non excedat, hoc ferè ita fit : sed ta-
 men priusquam adhuc alij tres menses finiatur,
 iuxta triplicitatis signorum cœlestiū rationem,
 nulli ex puro aere, ad impurum antea relictum
 redire satis tutum est : quum cognitū sit reliquis
 qui manserūt, in tuto iam degentibus, in aere ni-
 mirum cui adsueuerunt, reduces illos peste cor-
 reptos obijisse. Sed quod nunquam ferè aliter
 quàm hyeme fiat, aliter sæpe compertum est, &
 hodie comperimus: quum nullo non tempore im-
 minere possit, maximè tamen ad æstatis finem,
 & sub autumnii initium ingruat. Quòd uerò in
 meridianis partibus ad occasum Solis pestilen-
 tiam semper ire dicit, frequens est, sed non per-
 petuum. Nam etiam ex septentrionalibus ac ori-
 entalibus partibus, & à Solis occasu pestis exor-
 ta, ad oppositas partes transijisse comperta est.
 Hoc tamè uerissimum est, calidam & humidam
 aeris in pestilentia constitutionem à meridianis
 partibus ingruere, et propterea meridianos uen-
 tos ac aerem maximè excludendos esse, ab his lo-
 cis

Hyems pesti-
lens.

Meridianæ
partes pesti-
lentes.

cis in quibus habitamus: ita, ut ad orientem ac septentrionem illi pateant, indeq; aerem excipiant: non tamen serotinū, neq; in meridie, sed matutinum, à solis tamen radijs prius illustratū ac expurgatum. Possunt itaq; Plinij uerba ita intelligi, ut etiamsi ex alijs mundi plagis pestis progrediatur, tamen semper in meridianis partibus ad occasum Solis illam procedere, & ab ea parte maximè urgere. Verū sufficiunt hæc de aere. ad ciborum ac potus in pestis præseruatione rationem transeamus.

Orientalis & septentrionalis aer.

Ciborum ac potus ratio.

Cap. X.

Hippocrates equidem non solum cibū ac potum corporis alimenta facit, sed etiam spiritum, *ἵσπερ γὰρ λέγει πνεῦμα*, inquit. Et rur-
sus alibi de aere & spiritu loquens. Mortalibus, inquit, uitæ, & morborum ægrotis, solus is est autor. Tantaq; omnibus corporibus spiritus necessitas est, ut siquidem omnib. alijs abstineat homo, neq; cibum sumat, neq; potum, possit tamen dies duos uel tres & plures ducere. Si cui uerò spiritus in corpus uix intercipientur, in breui parte unius diei intereat: ut uel hinc, quāto usui spiritus corpori sit, liceat æstimare. Amplius autem ab omnib. operibus aliquādo immunes quiescunt homines. Multæ enim sunt mutationes in
uita.

Li. de alimento.

Lib. de flatibus.

Ructuum
causa

lib. de Ratib.

2. Aphor 50

Cibi sumendi
tempus

uita. Verum ab hoc opere nulla omnibus mortali-
bus animantibus requies contingit, ut cessent spi-
ritum adducere, ac rursus exhalare. Sed & cum
omnibus quæ eduntur ac bibuntur, spiritum in cor-
pus ingredi idem dicit: id quod ex ructibus ma-
nifestum esse ait, qui post cibos ac potus plerisque
sunt, dum aer conclusus perruptis bullis, qui-
bus fuerat inclusus, recurrit. Quoniam uero de
aere satis dictum est, deinceps de cibis ac potibus
in præseruatione à peste cõuenientibus agemus.
Primum igitur omnium cauenda est uoracitas ac
nimia ingluuius, ut ne plures cibos, liquidos aut
siccios, quàm corpus ferre possit, ingeramus. On-
nis enim multitudo naturæ contraria est. Dein-
de etiam cauendum, ne uarij ac dissimiles inter
se cibi assumantur, una præsertim uice. Dissimi-
lia enim seditionem mouent, inquit Hippocra-
tes: & alia citius, alia tardius concoquuntur. Si
quis tamẽ ad tales cibos adsueuisset, ei nõ subito
mutatio facienda est. Sed indulgendum aliquate-
nus consuetudini. Ex multo enim tempore con-
sueti, etiam si deteriora fuerint, inconsuetis mi-
nus molestare solent, ait Hippocrates: & postea
de die in diem aliquid mutandũ. Postremum, cer-
tæ sumendi cibi horæ constituendæ sunt. Et sicut
hodie ferè prandendi ac cœnandi mos est, uni-
cuique

cuiq; hæ duæ horæ sufficere possunt, nisi quem magna adeò appetentia inuitet, ut interposito tempore cibū sumere gestiāt. Hic enim prohibēdus non est, nec naturæ impetus inhibendus: qui si etiam certis illis horis adsit, sicut ferè in sanis corporibus contingit, eo pròptius etiam cibi exhibeantur. Nam famem aut sitim ferre, penitus noxiū est, & uires exoluit, quæ uitā conseruant. Hæc uelut in uniuersum considerata, particularibus cibis præmisimus. Ex horum autem numero panis primatum obtinet, qui si pro asue-

Panis qui
commodus

to antea cuiusq; more. haberi potest, nihil in eo amplius requirendū uidetur. Si tamen fame, & annonæ charitate simul urgente aliquid mutari oporteat, & impuriorem, & cui nihil uel parū de fursure decessit, pro puro & à fursure purgato edere cogamur, etiam hic lentè & paulatim mutatio facienda est: & omnino cauēdum, ne ab extremis ad extrema transeamus, sed mediū aliquem inter hæc modum apprehendamus. Nam ad mazam deuenire, non asuctis incommodum esset. Et hodie eius usus panis loco cessauit, qui tamen Hippocratis ætate multus fuit, & postea quoq; etiā apud milites. Pulmenti uerò uice adhuc in cibi usum uenit ordeī nō fricti farina cum aqua & sale cocta, butyro aut oleo, aut alia quādam pinguitudine affusa. Hæ autem Maza est,

c 4

si or-

Lib. i. de Ali-
ment. facult.

Panis co-
ctura

si ordeū frictum est, & hinc corrupta uoce muß
nostris appellatur. Mazan autem minus conco-
qui, & uentrem magis flatu implere: & si in ip-
so diutius maneat, turbationem efficere, Gale-
nus testatur, si ad ordeaceos panes comparatur.
Ipsi tamen ordeacei panes calidis temporib. ac
aestate, ob frigidam ac siccā hordei naturam ex-
hiberi possunt, & eo quòd citius per aluum sub-
eunt, quàm tritici: & hoc maximè in regioni-
bus ac corporibus asuctis, qualia sunt Phryso-
rum, qui sanitatis tempore non ordeaceo tantū,
sed etiam auenaceo pane utuntur: & ex farina
fabarum, non tamè pura, sed ordei farina ammi-
xta panes faciunt. In summa, hodie optimi pa-
nes fiunt per omnem ferè Germaniam ex triti-
co, Zea, quam nunc speltam uocant, olyrac; &
typha: nisi quòd hæc illa aliquanto deterior est,
ut Galenus ait. Columella Robū appellat: quam
appellationem nostri corruptè exprimunt. Ho-
rum omnium usus in peste cōuenit, si Phrysios,
ut diximus, excipias, & Vuestphalos, & si qui
alii populi urbani, aut rurales ex toto robo, nō
secretis surfuribus nigerrimos panes faciūt. Ex-
cipiendi sunt etiam Liuones, apud quos plebei
homines solis surfuraceis panib. uelut alibi sues,
pascuntur. Quancquā etiam coctura panis dan-
nosa sit in urbibus ad Oceanum magnum, quæ
aqua

aqua elixant, & non fornace torrent ac assant
 quædam panis genera. Sicut autem cocturae mo-
 dus circa panes obseruandus est, ita etiam circa
 carnes, ac pisces. Sunt enim quibus assata omnia
 magis competunt: sunt contrà, quibus elixa. &
 hac parte temporum anni rationem habere o-
 portet, regionum item & ætatum, & maximè
 corporum, prout ea affecta sunt & temperata.
 Nā si hæc omnia humidiora fuerint, assata exi-
 gunt: si sicciora, elixa. Nec uerò hic negligenda
 est consuetudo, uelut paulo antea diximus. Ex
 carnibus porrò damnantur bubula, ceruina, hir- Carnes lau-
data, & con-
tra
 cina, ob nimiam siccitatem, & quòd ægrè con-
 coquantur: ouilla item & agnina, & suilla tum
 syluestris tum domestica, ob nimiam humidita-
 tem: etiamsi syluestris minus de hac habeat, pro-
 pter aprorum in syluis discursus & exercitatio-
 nes. Laudatur uitulina duorum aut trium men-
 sium ætatem habēs, hædina menstrua, aut dimi-
 dium insuper mensem egressa: ueruccina maxi-
 mè annicula, aut biennio nō uetustior. Et ex syl-
 uestribus caro damarum, caprearum, leporum,
 & cuniculorum. Nec glires improbandi uiden- Glires
scituri
 tur, qui etiam *oníspei* appellantur, & in nostris
 syluis multi sunt, nec adeò uulgo aut diuitū men-
 sis expetuntur, quum tamen olim Romæ in sum-
 mis delicijs habiti sint, ut censoriæ leges eos cor-

Lib. 8. ca. 57.
& lib. 36. ca. 1

uis ademerint. ut Plinius testatur. At ex uolucris
bus domesticis conueniunt galli semestres, galli-
nae ac pulli ipsarum, et capones. Columbae autem et
palumbes, anates, anseres tam feri quam mansue-
ti, fulicae item et mergi, et reliquae aquaticae im-
probantur. Ex syluestribus incommodi putantur
tetraones, ob duram ac aegre coctilem carnem.
Eadem ratione etiam ardeae et grues. Meliores
his sunt gallinae betulaceae, ab arbore cui frequen-
ter insident appellatae. Sed his adhuc praestantior
habetur lagopus Plinij, Germanis fere Graecum
nomen appellatiōis significatione exprimens: pha-
sianus item et perdix, et rusticula, quam rusticam
perdicem Martialis appellauit. His ut magnitudi-
ne cedit turdus, ita apud eundem poetam inter aucis
gloriam primam tenet. Huic proximae sunt galeri-
tae, merulae, ficedulae, sturni, et multa parua uo-
lucrum genera, de quorum comoditate aut contra,
iuxta relata iudicium fieri debet. In rariore usu
nec coturnix datur. Porro ex piscibus conueni-
unt marini et fluuiatiles: stagnorum et lacuum dan-
tatur, praesertim si immundities cloacarum ex ur-
bibus influentes habeant. Nam si magni sint lacus,
Lacus qui
optimi fundo non limoso ac caenoso, sed arenoso ac sa-
xoso, pisces ipsorum laudantur, maxime si etiam
flumini per ipsos penetrent, aut in ipsos influant.
Ex his tamen omnibus fugienda sunt ea genera quae
squamas

squamas nō habēt: uelut sunt *anguilla*, *tenchæ*,
lampetræ, *rhombi*, *passeres*, *soleæ* tū recētes, tū
assiccatae. Harū Latinā appellationem Saxones
 retinent, Gracā alterā qua *πλατῆς* dicuntur, su-
 perior Germania habet: *Raiæ* itē siue *pastinacæ*
assiccatae, & piscis qui *perticæ* similitudinē &
 appellationē nostris habet, & ex Noruegia *as-*
siccatus aduehitur, ab urbe *Bergēsi*, unde itidē
 appellatur. Potest tamē ex hoc genere cōger flu-
 uiatilis admitti, quē superior Germania *rupā*, in-
 ferior quappā uocat: & quæ ab oculis nomē ha-
 bet, & oculata à quibusdā appellatur, ob carnis
 duriciā ac siccitatē. Ex magnis itē *sturio*, & *ca-*
pito, quē inferior Germania corrupta uoce *ca-*
bliu uocat, nō sunt reprobādi, ob carnis duri-
 ciā ac friabilitatē, ita ut partes tenacis ac lēti hu-
 moris uitentur. Et horū amborū generū alioqui
 tāta est præstātia, & in illa gēte existimatio, ut
 factiones inde ortæ sint, *Sturincorū* & *Capito-*
neorū, non aliter quā in Italia *Guelforum* &
Gibelinorum. At ex *squamato* genere compe-
 tunt *salmo*, qui & *exos*, *fario*, *asellus* corrupto
 nostris nomine *ascha* dictus, *lucius*, *perca* utrius-
 que generis, & *barbi* uulgo dicti: & ex paruo-
 rum generibus à fundo nostris nomen trahentes:
 & qui quod in aquis, quarum ripæ *alnis* cōsitæ
 sunt, inde nomē nostris tenēt, *alnurni* appellati:
 sunt

44 DE PESTE

sunt tamē qui eosdem pisciculos amaros uocēt,
 gobiones item corruptum nomen apud nostros
 retinentes: & in summa omne saxatiliū ac pe-
 trosi aquis degentium genus, & præsertim id
 quod à petrarum morsu ac inhesionē appella-
 tur. Ex testacea cute intestis possunt & cancri,
 & carabi, siue locustæ in rariore usu admitti.
 Carabi adhuc græcum nomen retinent apud
 Vuisariam, ad Oceanum sitam urbem, ubi &
 multi capiuntur, et cocti ad uicinas urbes depor-
 tantur. Carpiones autem & Prasini uulgo ap-
 pellati, & alburni appellati generis omnes uita-
 ri debent, ob uiscosos & corruptioni obnoxios
 humores. Verum multū refert in omni piscium
 genere, cocturæ modus qualis fiat, qualia itē con-
 dimenta adhibeantur, id quod etiam de carni-
 bus accipi debet: quanquam et hic aliquid regio-
 ni, & tempori ac consuetudini tribuendū sit, ac
 concedendum. Possunt itaq; & humiditatis ci-
 borum emendandæ, & appetentiæ illectandæ,
 & concoctionis iuuandæ gratia, tales puluilli ci-
 bis inspergi, qualis est hic, qui recipit: Cina-
 momi electi, zingiberis albi solidi, & non corro-
 si, galangæ, singulorum unciam dimidiam: ca-
 ryophyllorū, maccris, utriusq; drachmas duas:
 Cardamomi, zedorariæ, singulorū drachmam
 unam: corallij rubri, rosarum rubrarum, singu-
 lorum

lorum drach. unam: zacchari ad pondus omnium, aut prout cuiq; libuerit. Et hic qui recipit, caryophyllorum, cardamomi, nucis myristicæ, siue muscatæ dictæ, singulorū drach. unā, coriandri præparati drach. duas, ramentorum eboris, corallorum rubrorum, sandalorum omnium, singulorum drach. dimidiā, radicis dictamni, tormentillæ quæ quinq; solij est, galægæ, singulorū drach. unā, croci drach. dimidiā, cinamomi uncias duas, cubebarū, piperis longi, mace-ris, singulorum uncie dimidium. Zaccharū potest addere quisq; prout uolet, ad drach. unā aut dimidiā huius pulueris, pro una uice edulio immittendam. Possunt & ad intinētus cum aceto Intinētus huiusmodi puluilli usurpari. Ad eosdem conueniens est etiam oxalis, & petroselinum uulgare, addita modica menta, aut sampsucho, ut terantur cum aceto. Cuius alioqui usus commodissimus est, & ad bilis feruorem restinguendum, & ad corruptionem impediendam, & ad cordis ac uentriculi corroborationem. Sed iam ad legumina progrediendum est, quorum usus magna ex parte uitandus est, ob flatuosam ipsorum naturam. Pisorum & cicerū usus tolerari potest, sed præstat iusculis ipsorum uti, non tota ipsorū substantia. Nam horum decoctū etiam medicamentaria ui urinas ciet. Conueniunt autē ex frumētis para-

parata, alica ordeacea & auenacea, & ptisana, cum lacte amygdalarū cocta. oryza item, & ordei ac tritici farina, cum eodem lacte cocta, aut cum gallinacco, aut caponū, aut bubulo, aut ueruecino iure. Docuimus autē abundē in cōmentarijs nostris medicis, quid esset alica & ptisana, & quomodo hodie in usum uenirent. Lac porrō animalium non adeò hic competit, nec dari debet, nisi uentriculo à noxijs humoribus uacuo, & hoc recens mulctum, à medio ueris usq; ad medium æstatis, si optimum est alioqui, & eas notas præfert quas Dioscorides prodidit. Quare etiā cascus, nisi optimus fuerit, uitāduus est. Nam & optimi usus moderatus esse debet. Ex oleribus conducit atriplex, blitum, portulaca, lactuca, & quæ spinacea hodie dicitur. potest his dū coquuntur adijci petroselinum uulgare, borago & buglossum, itemq; oxalis. Sed hæ herbæ præcipuè ad lactucam addendæ sunt, quæ cruda editur unā cum nasturtio, oleo & aceto affusis. Ex ouorum generibus commodant gallinacea recentia, mollia, ita ut tremant cocta in ipsorum testa, non in sartagine fixa: non alio modo parata, nisi aquæ calidæ, in qua butyrū liquatū sit, incoquere uelis, testa exclusa. Nec commodant liborum genera, quæ opere pistorio, aut caseo, aut lacte, aut ouis constant, propter uiscoso-

rum

rum ac lentorum humorum ex his generationē.
Ex fructibus arboreis cerasorum genera omnia
admitti possunt, maxime tamen illud quod Rin-
caianū à regione appellatur, & quod obscuro
rubore ferè nigrescit, & acidi saporis est, & as-
siccātū etiā seruari solet. Ex pomorū etiā ac pi-
rorū generibus optima quæq; tolerari possunt
perfectissimè matura, cocta itē & assata, cū ani-
so, fœniculo et caruo, zaccharo obductis edēda.

Fructus
arborum

Nec mora utraq; ac mespila penitus auersabi-
mur. Reliqua uerò pomorum genera uitare præ-
stat. Nuces regie, auellanae, castaneæ tostæ, amyg-
dale laudantur, si cum zaccharo aut sale suman-
tur, & præcipuè à piscium esu. Vuae quoq; tum
recentes (non tamē statim ut decerptæ sunt) tum
passæ utiles sunt. ficus item maximè arideæ. Et
ex his quedam non solum cibi loco in usum ue-
niunt, sed etiam medicamentaria ui à uenenis
præseruant. Ex quibus etiam antidotus illa Mi-

thridatica constat, quam Galenus quidem lib. 2.

Mithridatica
antidotus
lib. 13, ca. 46.

De antidotis, Apollonio Muri attribuit: uerū
candem penitus ex Stratone describit, uelut præ-
sidiū ab omni exitioso pharmaco præseruās, Ae-
tius: Rutæ folia xx. nuces iuglandes duas, cari-
cas duas, salis grumum unum. Hæc, inquit, ieiū-
no præsumēda dato, & à nullo letali pharmaco
lædetur. Esse autē hanc compositionem uere Mi-

thrida

lib. 23. cap. 8. *thridatis regis*, Plinius docet his uerbis: In san-
ctuarijs Mithridatis maximi regis deuicti, Cn.
Pompeius inuenit in peculiari cōmentario ipsi-
us manu compositionem antidoti, è duabus nu-
cibus siccis, item ficis totidem, & rutæ folijs ui-
ginti simul tritis, addito salis grano: & qui hoc
ieiunus sumat, nullum uenenū nociturum ei illo
die. Sed adscribā etiam Q. Sereni poetæ de hac
antidoto uersus:

Antidotus uerò multis Mithridatica fertur
Consociata modis. sed Magnus scrinia regis
Quum raperet uictor, uilem deprendit in illis
Synthesin, & uulgata satis medicamina risit.
Bis denūm rutæ folium, salis & breue granum,
Iuglandesq; duas, tereti & cum corpore ficus.
Hæc oriente die pauco conspersa Lyæo
Sumebat, metuens dederat quæ pocula matri.

At uerò præter relatos fructus competunt e-
tiam oliuæ colymbades, ex eo quòd muria inna-
tant appellatæ: capparitis item fructus, ex aceto
& oleo: cucumeres quoq; & melones, & ea spe-
cies quæ uulgo auguria appellatur, & apud Li-
uones poma rutenica dicitur, ita ut uinū ab ho-
rum esu bibatur. granata quoq; appellata, siue
punica mala laudantur: & matiana, siue cestia-
na, quæ uulgo corrupta ex pomis matianis uo-

Potus
genera ce, poma arantia uocantur. Hæc de cibis. Porro
quod

quod ad potus attinet, Vinum in pestilentia, ut Plinius ait, ac peregrinationibus uim magnam lib. 33. cap. 1. auxiliandi habere dicitur. Vina itaq; subflaua, odorata, non admodum dulcia, tenuia item & non ualde fortia, qualia sunt Rhenana, Rincauiana, optima censentur, & ab his omnia quæ ad hæc proximè accedunt, ut singulis locis aliquatenus commoda haberi possint, & si quid desit, naturis, regionibus ac consuetudini indulgeatur. Quare etiã ubi aut nō nascūtur, aut nō importantur uina, ceruisiæ usus concedi potest. Quæ etiamsi omnis natura frigida sit, plus aut minus, pro tritici in aliquibus locis ad ordeum, ex quo cum aqua coquitur, admixtione: tamen & frigiditas & flatuositas & malitia ipsarum emendatur, lupuli capitulorum ac florum in co- Lupuli
flores cturam additione. Vnde contingit, ut quanto minus de lupulo habeant, tanto sint ceruisiæ deteriores. Laudantur itaq; & in hoc genere flauæ, moderatè odoratæ, nec dulces, nec amaræ admodum, tenues, & non tentantes caput: & prout quæq; quolibet loco ad tales proximè accedit. Damnatur contrarij generis, ut hinc pateat, quid de alba ceruisiæ specie sentiendum sit: cuius usus septentrionalibus & occidentalibus inferioris Germaniæ populis in usu est, apud quos etiam dizythum paratur, & uelut duplex cer-
d uisia

Libro 2
Libro 22. sine

Aqua fon
tana

Decocta

uifia appellatur. Nam zythū, Dioscorides & Plinius ceruifia speciem quandam appellare uidentur. Neque uerò aquæ puræ fontanæ usus improbandus uidetur his qui eam bibere assueverunt. Sed præstiterit decoctæ nobile frigus aquæ, ut poeta ait. Quid uerò sit decoctæ, et quo modo fieret, per longum in commentarijs medicis docui. Et iam ad quietis ac motus rationem transeundum est.

Quietis ac motus ratio.

Caput XI.

Tertio inter res non naturales loco habentur quies & motus. Nam & ex horum immoderato usu corpus aut calefcit, aut siccat, aut frigefcit, aut humectatur, aut etiam qualitatum harum coniugationes incurrit. Proinde etiam de iusto horum usu uidendum est. Quum enim motu opus habet corpus, exercitium salubre est, quies autem morbosa: & contrà, ubi quiete corpus indiget, quies salubris est, exercitium autem morbosum. Exercitium itaq; quod motus uehemens est usq; ad spiritus alterationem, tria hæc corporibus inducit, partiū instrumentalium ex mutuo affricu duritiā, insiti a natura caloris augmentum, & spiritus motum uehementiorem. Ad quæ omnia alia bona particulatim

ticulatim consequuntur. Ad partiū quidem duriciam, ut non facile afficiantur, & ad actiones sint robustæ: ad calorem, fortis eorum quæ digeruntur attractio, & promptior alteratio, & melior concoctio, & omnium corpusculorum diffusio, in qua solida quidem molliuntur, humida autem attenuantur. Contingit item meatus amplos reddi: ad spiritus autem uehementem motum necesse est meatus expurgari, & superflua uacuari. At hæc omnia uel maximè in pestilenti constitutione, utilissima corporibus existunt: sicut contraria his maximè noxia. Quandoquidem uerò digestionī opitulatur exercitium, incommodum est hoc, si crudorum et incoctorum, tum ciborum, tum humorum multitudo, aut in uentre, aut in uenis contineatur. Periculum est enim, ne ad omnes animales partes deferantur prius quàm concocti utilitatem de se præbeant. Quia uerò meatus expurgat, et superflua uacuat, inde sanè exercitij tempus colligitur, nimirum ante cibos exercendum esse corpus: atque hoc esse quod Hippocrates dixit in Aphorismis, labores cibos præcedant, Galenus lib. secundo & quinto de Sanitate tuenda testatur. Sed hoc mirum est, eam sententiā Galeno his locis, ex Aphorismis citante, nusquam ulla aphorismorum sectione illam hodie reperiri:

Hipp. locus & neq; in commentarijs in Aphorismos à Galeno recenseri, aut exponi. Habetur tamen hodie in sexti libri De morbis popularibus sectionis quartæ fine. Sed Galenus eo loco neque recenset, neque exponit, ut supposititiam esse eo loco inde pateat, & ex Aphorismis excidisse, non levis coniectura sit, unà cum ipsa etiam Galeni commentatione. At uerò hæc Hippocratis sententia de ordine exercitiorum ac ciborum accipienda est, in his qui exercitio opus habent:

Quies quib.
utilis

lib. 6. morb.
popul. sect. 4.

non quòd omnibus hominibus exerceri utile sit, quum calidis naturis quies magis competat, uelut idem Hippocrates ait, *ὅτι θερμῶ φύσει ψύξις, ποτὶ ὁρῶντες ἐλινύειν*: hoc est, Calidæ naturæ frigiditas, potus aqua, quiescere. Quapropter etiā hoc considerandum est, quod aliqui omnem motum congruum corpori quod mouetur, exercitium uocant: alij contrā, uelut diximus, eum solum qui uehemens est. Nam & secundum hanc rationē, iuxta posteriorem exercitij significationem, non omnes homines exercitio opus habent. Verum iuxta priorem, omnes exerceri oportet consueto maximè exercitio: à quo etiam tunc desistendum est, quum quis aut dolere, aut de-
2. Aphor. 48. lassari cœperit: uelut Hippocrates ait, In omni corporis motu quum incœperit dolere, quiescere statim lassitudinem eximit. Sed & his qui fa-

mem

mem tolerarunt ob inopiam, aut ultro, aut coacti à cibis abstinent, exerceri non expedit, uelut idem Hippocrates ait, Vbi fames, non oportet laborare. Quod sanè Galenus exponit, non esse aut sanis exercitia imperanda, unà cum ciborum abstinentia: aut aegris uehementem motum inducendum cum cibi abstinentia, ita ut neque uenam secemus, neque purgemus, neque uomitum moueamus, neque frictione utamur multa, aut omnino forti motu, aut alteratione corporis: quum in his omnibus absque cibi alimento uires exolui solcant, quarum curam Hippocrates magnopere habere uidetur. Ex his igitur liquet, quomodo & quatenus in singulis exercitiorum generibus cuique progrediendum sit, & quando cessandum: nimirum ut diximus, quando spiritus alteratur, aut lassitudo sentitur: quibus item quies potior est. Et hic etiam ætatum, anni temporum, regionum, & uelut dictum est, temperamentorum ratio habenda est, & maximè omnium consuetudinis, ut à consuetis exercitijs non discedamus, sed aut in his perseueremus, aut pro eorum quæ retulimus ratione, etiam ad ampliora nos conferamus. Multa autem exercitiorum genera referuntur à Galeno in libris De sanitate tuenda, de quibus longum esset hic tractare, & super-

d ; uacuum

2. Aphor. 16

Virium ratio
habenda

uacuum etiam, in tanta & Græcorum & Latī-
 norum exemplarium copia, unde studiosi pete-
 re possunt, & si qui alij sanitatis suæ studio te-
 nentur. Sunt enim eiusmodi libri, qui ab omni-
 bus cognosci deberent, ob summi in uita boni ip-
 sius sanitatis tutelam. Quandoquidem uerò eti-
 am frictio exercitij loco adhiōeri potest, & ma-
 ximè si quid exercitationē impediat, etiam hac
 utendum est mane ante egressionem de lecto, ita
 ut initio à pedibus facta, ad crura, coxas, bra-
 chia, uentrem, pectus, dorsum, collum & caput
 progressio fiat, tractione deorsum, & mode-
 ratione pro paulo antea relatorū ratione adhi-
 bita. Nec manibus solū frictio peragēda est, sed
 etiā asperiore aliquāto linteo. Præcipua tamē
 diligētia adhibēda est in fricandis locis sub alis,
 et ad inguina, ac retro aures: qua meatib. illorū
 locorum apertis, superflui expurgatio ac uacua-
 tio fiat. Atque hic frictionis modus etiam à bal-
 neo fieri debet. Ipsum autem balneum neq; hac
 tempore inutile est, iuxta easdem rationes, si
 quis domesticū aut priuatum balneū habeat, in
 quo nō sit suspicio alicuius infectionis aeris per
 alios inductæ. Nam ob id publica damnantur,
 & penitus uitanda sunt. Conueniunt autem bal-
 nea maximè his quibus à natura calor mordax
 est, ut fumosas superfluitates generent. His ita-
 que

Frictionis
usus

Balnei
usus

que non solum semel, sed etiam bis lauari in die expedit, præsertim æstate: cæteris autem cuique pro suo temperamento aut uitandum est, aut raro balneo utendum, aut omnino ad superiorez consuetudinem respiciendum: quum quibusdam etiam capitis lauatio ter aut quater in mense, cū pedum lotionē adsumpta sufficere possit, ex lixiuio communi cum defricione, ac capillorum extersione. Sed deinceps ad somni & uigiliarum rationem progrediamur. Neq; enim opus est, ut de quiete longiores simus, quum ex his satis constet, quæ sint ipsius facultates, ut quæ contraria omnia motui efficiat, ac corporib. inducat.

Somni ac uigiliarum ratio.

Caput XII.

Somnus & uigiliæ corpus alterant: somnus quidem ab ingestis cibis, uigiliæ uerò ab eorundem concoctione utiles iudicatæ. Nec ignorat Homerus sapiētissimus poeta, iucundissimū esse somnum à cibo & uini potu. Sic enim ait,
 νῦν μὲν ποίμῃσ' ἀδετετ' ἀρπόμενοι φίλον ἦτορ
 σίτῃ καὶ οἴνῳ, τὸ γὰρ μόνος ἐστὶ τὰν ἀλγῶν. id est,
 Nunc dormite, cibo ac uino suauiter exhilarati,
 Hinc etenim uires, hinc sūt quoq; robora nobis.
 A cibo enim & potu naturalis calor ad ipsorum concoctionem ad internas partes contra-

Iliad. 9. lineæ,

"

"

"

d 4 hitur,

hitur, ut non sit aliud somnus quàm relictus spi-
rituum & caloris naturalis ad internas partes:
qui contrà per uigilias se exerunt, & ad exter-
nas partes extendunt. Quare rectè dixit Pli-
nius, Somnus nihil aliud est quàm animi in me-
dium sese recessus. Et Hippocrates uim somni
explicans ait, τὸ αἷμα οὐ ὑπὸν εἶσω μάλλον φύ-
γει. hoc est, Sanguis in somno intrò magis fu-
git. Et alibi ea uerba uelut exponit, quò ait, ἐμ-
φανέως ὁ ἐγρηγορὼς θερμότερος τὰ ἐξω, τὰ ἐσω
δὲ ψυχρότερος, καὶ σφόδρα τὰ ἀντίδια. hoc est, Pa-
lâm uigilans calidior externis partibus, frigi-
dior autē internis. Dormiēs uice uersa. Quum
igitur somnus humores, maximè pituitosos au-
geat, & contrà eosdem uigiliæ resiccent, uiden-
dum est cuique, ut pro hac ratione iustum & si-
bi congruum modum seruet, ne uel superflui hu-
mores nimium augeantur, aut etiam commodi
nimis resiccentur: Hippocratica sententia di-
ligentèr obseruata, qua pronunciat, Somnus &
uigiliæ, utraq; modū excedentia, malū. Quanq̃
nō solum in his, sed & in alijs omnibus modum
seruandum esse, idem præcipiat, dum ait, πόνοι,
σιτία, ποτά, ὕπνος, ἀφροδίσια, πάντα μέ-
τρια. hoc est, Labores, cibi, potus, somnus,
res ueneræ, omnia mediocria. Quum enim sani-
tas in symmetria ac conuenienti modo cōsistat,
necesse

necesse est quicquid modum excedit, quanto magis hoc facit, tanto amplius ad morbum accedere. Somnus itaq; in sano homine septē horas paulo plus minus non excedat, maximē si expergi-
scens nec caput, nec reliqua membra grauari sibi sentiat, & palpebras iam leues attollere possit, & nō aliquam adhuc percipiat cruditatem, ex imperfecta ciborum concoctione. Nam tunc aliquanto amplius dormire nō fuerit inutile: alioqui optimus semper in omnibus magister Hippocrates sequendus est, qui ita ait: Quod ad somnos attinet, quemadmodum secundum naturam consuetum nobis est, interdiu uigilare oportet, noctu dormire. Si uerō hoc fuerit transmutatū, peius est. Minimē uero lēdi ager poterit, si dormiat manē ad tertiam dici partem. Qui uerō ab hoc tempore fiunt somni, deteriores sunt: pessimum autem est non dormire neq; noctu, neq; interdiu. Aut enim prae dolore ac afflictionibus uigiliae adsunt: aut delyriū aderit ab hoc signo. Nā etiamsi de agrotorum somno Hippocrates uerba facit, tamen naturalem somnū etiā in his laudat, & simul uigiliarū detrimentum addit: quū etiam in sanis acutorum morborum causae sint uigiliae. Ex his autem Hippocratis uerbis uidetur etiam somnus meridianus damnari. Sed concedendus tamen & hic est, his praesertim qui no

In li. praenot.

d s etu

Et uigilarunt, aut noctē insomnem duxerunt.
 Nec uerò in senibus hic admodum damnandus
 uidetur, nec in his qui sunt adsueti, duabus ab ac-
 cepto cibo horis, aut coctione omnino aliquate-
 nus peracta. Quāquam Galenus in huius loci ex-
 positione, consuetudinē non aliud quid, quā
 quod secundū naturā est Hippocratis etate fuis-
 se dicit. Verū nunc, inquit, diuites contrarium
 faciunt, tum in alijs, tum in somno, interdū dor-
 mientes, noctū uigilantes. At hic morbus hodie
 apud nostros ad infimam usq; plebem omnes in-
 uasit, dum nocte in diem cōuersa, perpotātes per-
 seuerāt. Quod uerò ad decubitus formā attinet,
 etiam hoc tempore, sicut aliās perpetuò, opti-
 mus est in latera. Pronus & supinus damnatur:
 ille ob uentriculi compressionem, & propter in-
 commodum tum colli, tum aliarum partium si-
 tum: hic eo quòd in tali decubitu, superfluitates
 ad posteriora tendentes, graues morbos indu-
 cunt, incubum, resolutionē, syderationem, mor-
 bum comitiale, & conuulsionem. Hunc tamē
 expergefatos iam amplecti, aliquandiu donec
 surgant, & membris extendendis competit, &
 ad animi cogitationes commodius explicandas,
 congruum est. At uerò de uigilia illud Hippo-
 cratis considerandum est, ὕδωρ βορῶν, ἢ αἶμα
 Li. vi. mor bo. pop. sectio. 4. πρὶν βορῶν, hoc est, aqua uorax, uigilia ua-
 rax.

rax. Et de aqua quidem quo modo uorax sit, hoc est βόρως, & uoraces, & multum edere ualentes faciat (hinc enim appellationem Hippocrates imposuit) nihil hic dicere attinet. uerū uigiliam ex eo quod digerit ac discutit, uoraces facere Galenus eo loco exponit, quum naturalis calor dum ad externas partes mouetur, non paucas essentiae corporis partes unā secum subducatur. Quum autem duplici modo fiat uigilia, duplex etiam ad cibos finis consequitur. Qui enim per noctem aliquid facientes, uigiles permanent, his corpus quidem uacuatur, nullum autem manifestum uirium detrimentum contingit. Qui uerò decumbunt, & aliquibus noctis partibus dormiunt, reliquis uigilant, his uires exoluantur, & neq; melius appetunt, neque concoquunt, neq; ad concoctionem consequentes naturales actiones inculpatas habent: ut qui omnes deterius se habeant, quā hi qui probè dormierunt.

De his quæ excernuntur, aut
supprimuntur. Cap. XIII.

Quinto loco inter res nō naturales habentur ea quæ excernuntur aut supprimuntur. Sic enim Galenus uocat τὰ ἐκκρινόμενα ἢ ἐπεχόμενα. Excretio itaq; siue euacuatio multis modis fieri

Euacuatio
nis modi

Lib 3 Meth.
2. de san. tu.
de opt. secta.
t ad Glauco.

fieri potest, qui si non contingant, suppressio & retentio sit eorum quæ fortassis excerni præstaret. Quare docti ac experti medici iudicio hic opus fuerit, ut in pestilenti cōstitutione, aut excernenda euacuet, aut retinenda supprimat. Fit igitur euacuatio per uenæ sectionem, per cucurbitularum cum scarificatione, aut sine hac, affixionem, per fluxum sanguinis narium, per purgationē deorsum per aluum, & sursum per uomitum, per sputi reiectionem, per urinā, per sudorem, per fluxum menstruum in foeminis, aut hæmorrhoidum in uiris, per coitum, per exhalationē totius corporis meatuum. His addi possunt frictio, & balneum, de quibus supra quum de motu diceremus, mentionē fecimus. Dicendū autem est de nunc relatis singulatim deinceps, quo quantū eius fieri potest, certam quandā in his rationē sequamur, & ad singulos applicemus, quū id quod unicuiq; propriū est, nec scribi, nec dici possit, uelut sæpe Galenus dicit, & Hippocrates libro primo de diata siue uictus ratione docet, his uerbis: Si enim ad hæc inueniri posset, ad unāquāq; naturam & ciborū mensura, & laborum numerus, ita ut excessus neq; supra, neq; infra modū fiat, inuenta sanè esset exacte hominibus sanitas. Nūc uerò prædicta quidē omnia inuenta sunt, qualia sint: hoc autem inuenire

niri impossibile est. De uenæ itaq; sectione primum uideamus, qui sit in ea scopus spectandus. Quandoquidē enim uenæ sectio est sanguinis euacuatio, & sanguis utilis est naturæ, ita illam fieri oportet, ut qui naturæ inutilis est sanguis euacuetur. Inutilis autē naturæ fit sanguis dupliciter: aut quū qualitatem suam non exactè seruat, neq; amplius uelut prius quum utilis esset, nutrire potest: aut quum tantus sit multitudine, ut aut uires grauet, aut distendat, aut rumpat, aut obturet arterias & uenas. In his ergo cōmoda est uenæ sectio, uelut auxilium euacuatoriū. In alijs autem ut reuulsorium, aut deriuatorium, ubi humorum impetū uehementiorē aut ad contrariū reuellemus, aut ad obliqua deriuabimus. In hac autem uirium ratio habenda est, ut hæ uacuationis quantitati sufficiant, siue semel, siue bis aut ter, aut sepius sanguinem detrahimus. Vna autē est indicatio quam uires exhibent, ut uidelicet conseruentur, quum ipsarum custodia ad uitam ipsam nobis conferat: quam & nos nūc cōseruare, & à morbis tueri ac præseruare instituimus. Quapropter si nec ætas, nec uires prohibuerint, uenā secabimus mediā in dextri cubiti flexura, cuiq; iusto modo sanguinem euacuātes, id quod prudens medicus facile iudicare potest, & sua prius facta experiētia is cui uena secatur cōfirmabit.

mabit. Ita enim natura quæ corpora nostra gubernat, leuior reddita, et id quod ipsam uelut o-
 nius grauat, defouens, ei quod reliquum est facile
 dominabitur. Quare & concoquet quod conco-
 qui potest, et excernet quod potest excerni, pro
 Lib. II. me- priarū actionū memor, ut ait Galenus. Atq; hæc
 thodi. uenæ sectio semel omnino fieri potest in anno, aut
 ingruente uere, aut sub autūni principiū. Nam
 sepe in anno uenā secare incōmodū est, eo quod
 unā cū multo sanguine uitalis spiritus excerni-
 tur. Quod si his tēporibus omissa fuerit, potest
 aliquo alio tēpore assumi, ob imminētis mali ti-
 morē. Qui uerò adsuēti sunt ad cucurbitularum
 usum, & habēt suas causas cur his utātur, uel cū
 scarificatione, uel sine hac, nō debent etiam hoc
 tempore illas omittere: alioqui inuenias qui per
 omnem uitā his nō usi, nihilo minus sani degant,
 à quibus neq; nunc assumēde sunt. Idem etiam
 de fluxu sanguinis nariū accipiendum est, si cui
 prodire solitus sit. nequaquā impediendus est, nisi
 penitus immoderata euacuatio fiat. In non ad-
 suctis prouocandus nō est. Porro de mēsisb; fœ-
 minarū, & hæmorrhoidibus in uiris sentio sup-
 primi nullo modo, hoc tēpore debere, etiamsi ni-
 mius putetur aut harū, aut illorū fluxus. Hic e-
 nim retētus & suppressus, facile obnoxius reddē-
 retur corruptioni ac putrefactioni, atq; sic febrī
 pesti-

pestilentiali. Irritare potius hamorrhoidas ad sanguinem fundendum conabimur, & menses prouocare, tum alijs quæ hoc præstare possunt, tum calamintha & pulegio, in aqua mulsa coctis ac potis, aut ijsdem tritis ac cribratis, & aquæ mulsæ inspersis ac potis. At uerò si quis ad uenæ sectionē idoneus nō sit, ut qui ex malo uictu superfluos & uitiatos humores collegisset, is uenæ sectionis & loco, & tempore, purgandus erit. Purgatio autē per medicamentū humorem noxium ducens fieri debet. Potest itaq; in cōmuni dari catapotiorū aurecorū appellatorū drachma un. i. aut stomachicarū idem pondus: aut de utrisq; simul idem pondus, additis granis tribus aut quinq; prout uisum fuerit, de scammonio siue dacrydio appellato, & uulgo medicorū diagridio dicto. Potest etiā è tribus catapotiorū generibus scrupulus unus de singulis sumi, & catapotia siue pilule formari xv. aut xvij. cū aliquo ex appellatis syrupis, aut alio liquore, totidem uelut dixi, granis dacrydij additis. Potest etiam fieri mixtura in modum boli, ex benedictæ laxatiuæ appellatæ drachmis tribus, & diaphœnicon drachmis duabus. Possunt quoq; hieræ à Galeno, Paulo, & Actio præscriptæ utiliter usurpari. Præstiterit tamen docti medici consilio hac parte uti. Et si quis semel atque iterum
commo-

commodam sibi purgationem aliquam cuiuscunq; formæ comperisset, ea quotânis semel aut bis, uelut diximus, uti. Ab hac autem uniuersali purgatione, iam deinde ad quotidianum illius medicamenti usum deueniendum est, quod Paulus libro secundo capite trigesimo sexto, ex Rufo describit his uerbis: Ut edũ & hac quæ præsumitur potione. Aloes partes duæ, Ammoniacthymiamatis partes duæ, myrrhæ partem unã. Hæc trita in uino odorato fabæ magnitudine dentur, quotidie uidelicet. Haud scio, inquit Rufus, an sit qui ex hoc potu non à peste immunis ac superior euaserit. Hæc uerba propterea maxime adscribenda duxi, ut uideant ac expendant docti medici, quanta sit ab Arabibus medicis huius medicamenti mutatio facta. Nam pro ammoniaco thymiamate, siue gutta Latinis dicta, crocum assumpserunt. Nec satis constat, qua ratione, aut quo errore, id sit commissum. Profectò si quis utriusq; uires ac facultates considerat, non uidetur ammoniacum ulla ratione ad præsentem usum, croco cedere debere, sed multis nominibus præferendum esse, ut quod supra molliendi, attrahendi, calefaciendi, ac discutiendi uim, etiam potum alium subducit, uelut Dioscorides testatur: quum crocus in tam multo ac quotidiano usu, & tanto pondere, uix citra

tra detrimentū usurpari possit. Nam potū cum aqua triū drachmarū pōdere, uim necandi crocum habere, idē Dioscōrides prodit. Minus autem ab iisdē peccatū est in eo quōd medicamentum in puluillum cōminutum, ex uino bibendū à Ruso præsriptū, ipsi in catapotiorū formam coegerūt cum uino: quanquam & Rasis, & A-
 uerrois apertē cum uini uncia una, aloes partes Lib. 4. cap.
de pastil. lib.
6. Coll. ca. ul.
 duas, croci & myrrhæ, unuscuiusq; partē unā, ad pondus granorū xlvij. dari iubeant bibēdas, non in pilularū formā redactas deuorandas: & hoc in principio pestilentia, hoc est, ut ego accipio, quū iam pestilens cōstitutio ingruit, nisi propotismatis uocē apud Rysum ita exprimere uoluit. Est enim medicamentum quod nō ubi pestis aliquem inuasit, accipiendum est, sed in pestilenti constitutione quotidie sumendum, gratia præservationis, ne pestem incurramus, quū hoc uim eam habeat, ut et biliosas ac pituitosas superfluitates educat, & humiditates in uentriculo & uenis resiccet, & à putrefactione prohibeat. Dicuntur autem $\pi\sigma\tau\omicron\tau\iota\sigma\mu\alpha\tau\alpha$ potiones quæ præsuntur à ieiūnis, antea quā aliquid cibi ingeratur. Esse autē singulis diebus dandū hoc medicamentū, etiam ipse Rasis addit, etiāsi tēpus dici nō addat. Quōd autē pondus quadraginta octo granorū. hoc est drachmæ unius pondus, dēptis
 c duo-

duodecim grans, antiquū illum philosophū quē citat, Rufum uidelicet, dare iubere Rasis dicit, hoc iam in croci tam multo & quotidiano usu meritò suspectū est, quum si pro croco, ammonia cum sumeretur, nihil periculi esset. Quare etiā posteriores qui in catapotia medicamentū contraxerunt, pro una quidē uice in cōmuni drachmā unam exhibēt, sed non quotidie. Nam quū quotidie utendū esse his pilulis præcipiunt, aloes drachmas duas, myrrhæ & croci utriusq; drachmā unam, in catapotia ciceris magnitudine, cum uino optimo odorato formant, & de his quinq; aut septem, aut nouem plus minus, hora una ante cenam deuorare iubent: Quidā etiam scrupulum unū pro una uice exhibēt, sed bis tantum in hebdomade, aut quarto quoq; die. Et hāc moderationē posteriores etiā contra præscriptū Auicennæ inuexerūt, qui expressis uerbis sic tradit: Et de medicamēto factō ex aloe, & croco, et myrrha sumatur omni die circiter drach. una, quoniā est iuuatiuum: & cōfirmat ex eo sic citans Mesue, æquales de singulis partes accipien-
 de feb. put. das esse, insuper addens. Expendat hic eruditus
 cap. 6. medicus, quā simpliciter et sine ullo discrimine uterq; pronūciet de quotidiano usu, & tanto pōdere medicamēti, nō modò ob pōdus, sed etiā ob ipsas res quas recipit, meritò uelut diximus suspecti.

Lib. 4. ca.
 5. de præ-
 fer. pestil.
 de feb. put.
 cap. 6.

dit: Et de medicamēto factō ex aloe, & croco, et myrrha sumatur omni die circiter drach. una, quoniā est iuuatiuum: & cōfirmat ex eo sic citans Mesue, æquales de singulis partes accipien-
 das esse, insuper addens. Expendat hic eruditus
 medicus, quā simpliciter et sine ullo discrimine
 uterq; pronūciet de quotidiano usu, & tanto pō-
 dere medicamēti, nō modò ob pōdus, sed etiā ob
 ipsas res quas recipit, meritò uelut diximus su-
 specti.

specti. Quū autē talia innumera in Arabibus me-
 dicis, & in ipso Auicēna, qui centonē illum suū
 ex omnibus illis, numeroq; modoq; sine omni col-
 legit ac cōgeſſit, reperiatur: nō admodū inuidio-
 ſa res uideri deberet, ſi nō & diſcētibus, & uten-
 tibus damnoſa eſſet, eſſe adhuc in tāta luce emer-
 gentiū optimorū autorū medicorum Græcorū,
 publicos præceptores, qui ſe in Arabū illorū ſcri-
 ptis mirificē oblectent, ea doceant, ea prædicēt,
 & in his unicē, uelut ſus in luto, uolutari expe-
 tant. Dolorē itaq; nō diſſimulandum eſſe puta-
 mus, quōd meliora ingenia, ab ineptiſſimis do-
 ctōrculis, frigidiſſimis ſermūculis ſeducūtur, ut
 peſſima pro optimis amplectantur. Qualem nu-
 per editū legimus, à rhetorculis tamen quibuſdā
 corrogatū, de uita Auicēnæ, hominis barbari,
 qui nullā eruditā linguā nouit, ſolam Arabicā et
 Hebræā, ut apparet, tenuit. Nā Iudæū, aut Maho-
 metanū religiōe fuiſſe, nō eſt ambiguū. Hic itaq;
 Auicēna Hippocr. et Galeni, et aliorū Græcorū Auicenna
 medicorū libros, ab alijs in Arabicā linguā con-
 uerſos legit quidē, nō tamē ſatis intellexit, eosq;
 & aliorū Arabū ſcripta excerpſit ac cōgeſſit, ſi-
 biq; adaptauit ac adſcripſit. In qua re etiāſi nihil
 eſſet peccati, tamē ſimile eſt talia ſcripta ſeq, ac ſi
 quis ex medicamētarijs libris Germanica lingua
 uulgatis ſe pro medico gerat, ſicut ſanē multi ſe
 e 2 gerūt.

gerunt: & hoc tempore sacrificulus, omnium alio
 qui literarum ac bonarum artium ignarus, se gerit,
 & apud principes etiam viros in honore aliquan-
 diu fuit, donec quidam male custoditas asini aures
 in illo deprehenderunt, quum alioqui etiam ex opti-
 mis libris doctos se pro medicis gerentes repro-
 bet summus philosophus Plato. non aliter quam
 ex libris nauium gubernatores prouerbio dam-
 nantur. At uero recte & sinceræ medicinæ stu-
 diosis animaduertendum id est, quod ille dixit: Re-
 fert, à fonte bibatur, Qui fluit, an pigro quum stu-
 pet unda lacu. Grauißimum enim est, ut ne dicam pe-
 riculosissimum ac nocetissimum, probari ac lauda-
 ri, ita ut eorum præscripta sequamur, barbaros,
 eosque recentiores autores, ex superiorum tempo-
 rum infelicitate, & meliorum inopia introdu-
 ctos ac receptos: quorum lingua omnibus ex æquo
 hodie ignota est, ut iudicari non possit quid illi
 sua lingua prodiderint, translationibus ipsorum
 in latinam linguam tam barbarè factis, ut nec ci-
 tra molestiam ab eruditis legantur, nec sine dif-
 ficultate intelligantur, dum illi interpretes mul-
 ta Arabica uocabula non intellecta omiserunt,
 plurima uelut reppererunt, ita reliquerunt, & in
 summa, omnia insulsissimè transcripserunt: &
 interim negligi optimos & uetustissimos auto-
 res, artis medicæ inuētores ac ampliatores Græ-
 cos,

cos, recēs in lucem ē tenebris, in quibus multis
 seculis delituerūt, reuocatos, & nūc etiā latinē
 per nos, & multos alios doctissimos uiros loquē
 tes. Sint tamen, si ita fatis uisum est, illæ suū ro
 se, & uolutabra huic pecori gratissima. Nos me
 dicos Græcos, eosdemq; optimo, autores uolue
 mus, uersabimus, ac sequemur, et illis ut Cadmeā
 uictoriam uincant permittemus. Sed iam cō un
 de digressi sumus, reuertamur. Potest post pur
 gationē uelut diximus factā, medicamentū Ru
 fi, prout ex Paulo adscripsimus, quotidie sumi.
 Nam etiamsi in Paulo quoq; lectio corrupta sit,
 tamen hanc quā reddidimus, rectā esse nō dubi
 tamus, & in Dolabellis in Paulum nostris satis
 cōprobauimus. Possunt etiam catapotia illa cō
 munia appellata sumi quotidie, aut bis in hebdo
 made, uelut paulo antē diximus, & uelut poste
 riores statuerūt: nō uelut Auicēna iubet, & Me
 sue ex ipso tū hoc, tū alia omnia ferē ad uerbū re
 citat, sicut etiā ille ex superioribus trāscripsit:
 quū nō purgationis, sed humorū à corruptione
 asseruādorū gratia sumātur. Verū de hoc gene
 re medicamētōrū rursus dicendū est. Iam ad reli
 qua quæ excernūtur aut supprimuntur progred
 diamur. Potest itaq; fieri etiā excretio ab infuso
 per clysterem: aut per glandes subdititias excre
 tionem proritantes. Sed minus efficax est harū
 usus,

Dolabellæ
 Cornarii in
 Paulum

usus, & ad purgationem faciendū, aut infusum
admittendum magis præparant. Quòd si in su-
periore uentriculo hæcāt superflua, aut aliqua
cruditas rebellis concoctioni percipiatur, uomi-
tus commodus est, æstate præsertim, & in graci-
libus & facile uomentibus, quorū uidelicet pe-
4. Aphor. ctus amplum est, iuxta Hippocratis in Aphorif
4.5.6 mis sententiam. Nec uerò negligenda est humo-
rum, qui in cauernis pulmonis ac asperis arte-
rijs colligi solent, per sputū reiectio, ne quā cir-
ca pulmonē, aut costas, aut thoracē affectionem
inducant. Et hæc excretio adiuuari potest per
compositionem ex tragacantha appellatam, &
quasdam alias: & per hypoglottia bechica, quòd
ad tuſim cōmoda sint, ut sub lingua detineātur,
ac eliquentur, ita appellata. Quin & urinae ex-
cretionis ratio habēda est: & hæc per puluillos
diureticos ab urinae proritatiōe appellatos, pro-
uocari potest. Tales autem ex aniso, apio, fœni-
culo, petroselino, lithospermō, & similib. à quo
uis parari possunt, ex uino bono sumēdi, nisi for-
tè quis pharmacopoliorū compositionibus diu-
reticis inscriptis uti malit. Sed & flatuū & ru-
ctuum non retinendorū, & meatuum omnium
opertionis cura habeatur: quo quicquid noxiū
in corpore est, exhalet ac trāspiret: quum sit, ut
Hippoc. ait: ἐκπνοὴ καὶ εἰσπνοὴ ὅλον τὸ σῶμα.

Sed

Sed & per sudorē idem excludatur: qui & ubi
ultrò oboritur, impediendus nō est, & tum aliās,
tum in balneis, & à frictionibus moueri potest,
de quibus utrisq; superius, quum de motu agere
mus, dictum est. Restat excretio quæ fit per coi-
tum, cuius usus ut in pestilenti cōstitutione non
omnino uitandus est, his præsertim qui in uigore
ætatis consistunt, carnosiq; sunt, & ad coitū ad-
sueti, & alioqui lautè uiuunt: Ita cōtrā affectis
uel modicè eo utendum est, aut penitus abstinē-
dum, ne debilitato hinc cerebro & neruis, immo
totius corporis uiribus ac spiritibus exhaustis,
caloris naturalis fiat extinctio, ut nulli ingruen-
ti malo resistere possint. Nam sicut hi non sine
periculo uenere utūtur: ita priores illi minimè
tutò abstinēt, siue uiri aut adolescētes, siue fœmi-
næ nuptæ, aut uiduæ, aut puellæ nobiles sint. E-
go enim pro certo affirmare possum, in una ur-
be, in qua medicus cōstitutus fui ante paucos an-
nos, ex una familia in diuersis ædibus habitante,
quæ tamen frequēter cōueniret, ac lautè uiuere
soleret, & fœminas nuptas, & uiduas, & nubi-
les puellas omnes ad unam, peste correptas ac
absumptas esse: quum mares ex ea familia ma-
gna ex parte fuga sibi consuluisent: nec adhuc
scio an alia quàm à uiris abstinentia, mortis illa-
rum causa fuisse putari debeat, illo prius uelut

certo pietatis ergò constituto, quod poeta uelut
 Iliad. 1. *suprà citauit dixit, ὁὖτος δ' ἐτελείετο βολή.* Sed
 quibus competat, aut non, nemo clarius docuit
 uno in omnibus maximo ac admirando Hippo-
 crate, cuius de hoc sententias aliquot adscribā.
 λαγνείν, inquit, τῶν ἀπὸ φλέγματος νόσων ὠφέ-
 λιμον, id est, Coitus morbis ex pituita commo-
 dus est. Et rursus, τὰς ἐπ' αὐξίας νόσους μίξις,
 id est, Augescentes morbos coitus, scilicet sa-
 nat, ut pleriq; interpretes exposuerunt. Et rur-
 sus, μίξις τὰ κατὰ κοιλίην σκληρύνει, hoc est,
 Coitus ea quæ in uentre sunt indurat: quāquam
 aliqua exemplaria pro uoce μίξις, habeant ψύ-
 ξις. Et rursus, τιμωράται χαμῶνος κατὰ ῥῆος
 μάστιγας τὰς ῥίνας, ἀφροδισιάσαντι ἐξηραν-
 θη πάντα, id est, Timocrati hyeme destilla-
 tio maximè in nares: quum Venere usus es-
 set, resiccata sunt omnia. Has itaq; coitus utili-
 tates cōsiderantes: neq; illud quòd Hippocrates
 coitum leuem esse morbū comitalem dixit præ-
 termittentes: neque hoc quod Pythagoras mo-
 nuit, tum demum coitu utendum esse, quū quis
 seipso infirmior fieri uelit, omittentes: rem aut
 utilem, aut perniciosam, usus modo temperabi-
 mus: memores tria saluberrima esse, uelut Plu-
 tarchus in libro de uictus ratiōe tradit: Optimè
 inquit dictū est, uesci citra saturitatem, & non
 refuge

Lib. 6. morb.
 pop. sectio 5.

Lib. 5. & 7.
 morb. pop.

Tria salu-
 berrima

refugere laborem, & seminis essentiam conser-
uare, saluberrima esse. Profectò priora duo ex
his etiam Hippocrates uelut salubris diætæ capi
ta præscripsit, ἀσκησις, inquit, ὑγιείνης, ἀνογίν
τροφῆς, ἀκοννὶν νόσων. id est, Exercitatio sanita-
tis est, uesci citra saturitatem, non refugere la-
borem. Verum iam deinceps ad animi affectio-
nes transeamus.

6. Morb. po
pul. scæ. 4

De animi affectionibus.

Cap. XIII.

QVandoquidem affectiones animi uel ma-
ximè corpus alterant, sexto & ultimo
loco inter res non naturales, πᾶσι τὰ ψυχικὰ ἃ
Galeno recēsentur. Proinde & in his uidendū
est, ut iustus modus seruetur, ut ne hinc affectū
corpus, in pestilenti constitutione eo facilius im-
petatur. Sicut enim animi mores ad tempera-
menta corporis sequuntur, de qua re extat Ga-
leni liber: Ita corpus ex animi motibus ac affe-
ctibus uicissim afficitur ac alteratur. Nec pauca
extant huius rei non modò apud medicos, sed
etiam apud utriusq; linguæ scriptores exempla.
Non hic referemus eos qui ex gaudio, ἃ rerum
letarum nuncio, subito exorto exspirasse serun-
tur: non eos quos tristitia & mœror consum-
psit: non quos cupiditas aut metus uexat, qui

c 5 non

non solum corporibus simul affliguntur, sed illorum etiam externorum bonorum, quibus metunt, & quæ indies ampliata cupiunt, fruitione ac usu carent. ut rectissime ille dixerit,

Horatius Qui cupit aut metuit, iuuat illum sic domus aut

» Ut lippū pictæ tabulæ, fomēta podagrā. (res, Videamus saltem quā pernicioſa affectio ſit inuidia, domeſticus tortor, poſſeſſorem ſuum de die in diem ad tabem perducēs. Quid uerò ira, breuis quidem furor dicta, ſed quæ grauiffima mala inducat? Hinc ſunt in præſens horrendus ſcici rubor, mox teterrimus pallor, hinc totius corporis tremor, hinc manuum ac pedum torpor, dum articuli ligati & motum & ſenſum amittunt. Ad hæc ſequuntur conuulſio, reſolutio, & repentina mortis oppreſſio, ipſa apoplexia. Sed præclare uires iræ deſcribit Hippocrates, cuius uerba adſcribemus, ut & ipſam fugiamus, & quieto ac ſedato & leto animo degamus, cuius uis eſt ut cordi remiſſionem inducat:

6. morib. pop. ὁ θυμὸς, inquit, ἀσπᾶν καὶ τὸν σῆμα-
lect. 5 να εἰς ἐσωτὰ, καὶ ἐς κεφαλὴν τὰ θερμὰ καὶ τὸ

» ὑγρὸν, ἢ δὲ ὁ θυμὸς ἀφίει καὶ εἰς τὸν σῆμα. hoc eſt, Ex-
candefcantia retrahit cor & pulmonem in ſci-
ſa, & ad caput calida & humidum. Letitia ue-
rò relaxat cor. Ex hīs uerbis iram fugiendam
eſſe docemur, quum cor & caput & totum cor-
pus

pus, aut natura, aut affectu fuerint calidiora: si-
cut contrà in frigidis affectionibus, capite natu-
ra frigidior, eadem etiam inducenda est. Atq;
hoc est quod alibi idem Hippocrates facere ius-
sit, ἐπιτηδεύειν ἐξυθυμίῳ ἐμποιέειν, καὶ χρώ-
ματος ἀνελήψις εὐενα, καὶ ἐγχευώσις. hoc
est, Diligentia adhibenda est, ut ex candescencia
inducatur, & coloris reparandi, & sanguinis in
uasa subter cuticulam colligendi gratia. Proin-
de etiam à grauioribus curis ac solitudinibus
abstinendum est. Et imaginationes quoque for-
tes, præsertim de ipsa peste excludendæ sunt, ne
per eas impressio aliqua in corpus fiat. Iucun-
dis autem cantilenis ac musicæ instrumentis in-
dulgendum est, & fabularum ac historiarum a-
mœnis lectionibus ac narrationibus, animus à cu-
ris ac cogitationibus absonis ac absurdis abdu-
cendus: quo contingat, ut sit cura & cogitatio
hominibus non afflictio, sed uelut iucunda quæ-
dam animi oblectatio, dum in huiusmodi latis
narrationibus ac lectionibus uelut exspaciens
deambulat. Sic enim ego hæc Hippocratis utr-
ba accipio, ψυχῆς περιπατεῖς φροντίς ἀνθρώποι-
σι. hoc est, Animi deambulatio est cura homini-
bus. Atque hæc de animi affectionibus moderan-
dis hoc loco sufficiunt. Et iam rerum non natu-
ralium obseruatione præscripta, nihil superesse
uidetur.

2. mor. 70

sec. 4

"

"

"

"

uidetur, quod ad præseruationem à peste at-
 neat, quàm ut puro reddito ac custodito corpo-
 re, ex iusto relatorum usu, iam ad eorum medi-
 camentorum usum deueniamus, quæ præsumun-
 tur ea gratia, ut corpus purum ita afficiant, ut
 ne qua aeris pestilentis illapsio ipsum inficere
 possit, aut ullam lesionem inducere.

Medicamenta à peste præseruatiua.

Caput XV.

EX horum medicamentorum numero est
 etiam id quod suprà capite decimo, occa-
 sione ita ferente recensui, antidotus Mithrida-
 tica appellata. Est item Rusi medicamentum, de
 Lib. 2. cap. 36 quo capite decimotertio per longum egimus.
 Ab hoc autem tradit Paulus loco citato hæc uer-
 ba: Galenus, inquit, ad pestilentes putredines
 armeniacam bolum in potu, & similiter ex ui-
 peris theriacam, magnoperè prodesse ait. Prose-
 cto in peste quæ Romæ grassata est, inquit, om-
 nes mortui sunt, quibus neutrum horum pro-
 fuit. Et de theriaca quidem habetur apud Gale-
 num in libro De theriaca ad Pisonem, ubi pa-
 lam affirmat, uisam esse hanc solam theriacam
 antidotum, quæ peste correptis auxiliari pos-
 set, quum nullum aliud auxilium magnitudini
 mali resistere posset. Et subdit, præbentes ip-
 sam in pestilenti constitutione omnino non per-
 mittere,

Theriaca ex
 uiperis

mittere, ut à malo corripiantur. Eis autem qui
iam correpti sunt, mederi illam posse al. cran-
do ac immutando inspirati aeris maliciam, &
corruptionem prohibendo. Eidem etiam in li-
bello De theriaca ad Pamphilianum testimo-
nium datur, quòd in peste quadam omnibus a-
lijs auxilijs inefficacibus, aliqui quidem corre-
pti, qui eam accepiſſent conualuerint, aliqui ue-
rò etiā perierint. Verùm omnes qui antea quàm
correpti eſſent, illam accepiſſent, & periculum
et tentationem etiam mali effugiſſe. At uerò de
bolo Armeniaca libro nono Simplicium medi-
camentorū: In magna, inquit, hac peste ſimili ei Pestis magna
quæ Thucydidis tēpore fuit, omnes qui biberūt “
hoc medicamentū, breui ſanati ſunt. Quib. uerò “
non profuit, omnes mortui ſunt, neq; ab ullo a- “
lio opem ſenſerūt. Ex quo manifeſtum ſit, quòd “
ſolis eis qui curari non poſſent, non profuerit. “
Bibitur autem ex uino compage tenui, modera “
tē diluto, ſi aut penitus febre careat homo, aut “
leuiter febriat. Si uerò maior ſit febris, ex ualde “
aquoſo. Neque uerò uehementes ſunt calore fe- “
bres peſtilentiales. Hæc Galenus. Verùm quod “
ad theriacam attinet, magna hodie in ambigui-
tate uerſamur circa eius uſum: quū, ſi iuxta Ga-
leni ex Andromacho deſcriptionem, hodie eius
fieret compoſitio, nihil ſecurius accipi poſſet.

At

Lib. I. de ant.
& ad Pisonē.
Lib. 13. ca. 87.
& inde lib. 7.
cap. 11

Errores circa
theriacam in
confessio

At quum Arabes medici de Græcis, & è Gale-
no maximè transcriptā tot modis, tot locis cor-
ruperint, non satis scio, quid de usu eius pollice-
ri possim, aut suadere debeam. Profecto si nihil
aliud esset in his culpandū, quàm quòd prestan-
tissimum medicamentū, quod integerrimè apud
Galenum habetur, recensetur, expenditur ac ex-
ponitur, et ab Actio ac Paulo hinc transcriptū
est, ita miserè ac calamitose perdiderunt: amen
crimine ab uno, de omnib. satis discere daretur.
Iam uerò quum omnia illorum talia sint, ut me-
ritò à nobis reprobentur ac damnentur, super-
uacuum esse uidetur uni loco immorari, ac osten-
dere ipsorum antidotum magis etiam quàm ip-
sam pestem fugiendam esse: maximè quū poste-
riores illorū expositores palàm fateātur, in cō-
positione theriacæ septē errores cōmitti. Quo-
rum primus sit, quòd pastilli theriaci, quos hoc
medicamentū recipit, nō habeāt in se uiperarū
carnes. Deinde quòd pro uero balsamo, accipi-
tur oleū balsaminū. Tertius, quòd pro terebin-
thina, accipitur resina laricis. Quartus, quòd
pro terra lenia, quæ sigillū aut etiā sigillata dici-
tur, ponitur bolus Armeniaca. Quintū errorē
admitti dicunt, circa mellis nūmiā mensurā. Sex-
tum, circa uini usum. Septimū, circa totā medi-
camenti molem, quæ maiori quantitate compo-
nitur,

nitur, quàm Andromachi descriptio præscribit.
At ego nō septē solum cōmitti errores, sed totā
antidotū corruptā ac perniciosam esse iudico,
si secundū Arabū descriptionē cōficiatur, prout
Auicenna, aut medicamētarij Nicolai, aut alio-
rum libri illam habent: tantū abest ut aut ita cō-
ponendæ, aut eo modo compositæ utendæ, ali-
cui autor esse uelim. Credo tamē, theriacæ con-
positores hodie magis sedulos ac diligentes esse,
ut Galeni ex Andromacho præscriptū sequan-
tur, postquam à Leonicensi, & quibusdam alijs Leonicens
admoniti, & uiperas, & quædam alia simpli-
cia medicamenta, ignota prius cognouerunt.
Quum autem ex Aegypto uiperas ante suam
ætatem petitas, idem Leonicens scribat, quas
magna abundantia in Italia esse ipse ostendit: sa-
tis indicat, ad theriacæ compositionem ipsas uē-
peras bodieq; recipi: etiamsi fieri possit, ut cir-
cumforanei quidā impostores, pro uera theria-
ca uendant, eam quæ neq; pastillos, neq; alia me-
dicamenta habeat. Quare imperitè à quibusdā
affirmatur, uiperas adhuc ignotas esse, & car-
nes ipsarum nō magis in medicamentum recipi.
Nam et ego pharmacopolā Thomā Misenū Ri-
gæ apud Liouones noui, qui & apud Venetos cō-
ponendæ theriacæ modū uiderat ac didicerat, &
ipse quoq; componebat, arte quadā etiam isthic
uiperis

Theriaca Ve
acta, Genuen
sis, Alexan-
drina

uiperis à se captis, quas per omnem ubiq; Euro-
pam haberi ac capi posse affirmabat. Hodie ita-
que laudatur compositio theriaca Venetorum,
& Genuensium, apud quos uerisimile est par-
tim illam parari, partim ab Alexandria para-
tam ab ipsis aduchi, unde superioribus tempori-
bus uiperæ petita, & in Italiam ad medicamen-
ti compositionem transfusæ sunt. Bonæ igitur
& ueræ theriacæ drachma una, in ætatis uigo-
re constitutis, in hebdomade semel aut bis, ma-
ne sex ante cibum horis, præseruationis gratia,
in pestilenti cōstitutione dari potest, ita ut pro
temperaturarū, et ætatū ac regionū ratione, e-
tiā plus minus de ea exhibeatur. Porro propter
relatos circa theriacā errores, quidam Mithri-
datica antidoto uti malūt, quòd res omnes quas
illa recipit, melius haberi possunt. Sed profectò
etiam hic maxima cautione opus est. Corruptis-
simæ enim sunt, nō solum diuersissimæ, Arabum
ac Barbarorum medicorum descriptiones, &
ipsorum expositores consitentur in eius cōpo-
sitione errores circa resinam, balsamum, & mel-
lis nimiam mensuram admitti: alioqui si rectè et
ritè componeretur medicamentum, eodem mo-
do uelut theriaca sumi posset. Nam & An-
dromachus ex Mithridatico quibusdam addi-
tis, quibusdam ademptis, theriacam composuit,
ex

Et ex ammixtione carnum uiperarum, Theriacam ad morsus quidem uiperarum præstantiorem fecit, sed ad alia omnia nihilo est inferior Mithridatica antidotus, adeò ut in quibusdam etiã sit præstantior. Multæ tamen ac uariæ sunt, Et quædam corruptæ etiam apud Galenum descriptiones antidoti Mithridaticæ. Præstantissima tamen uidetur ea quæ secunda ex ordine apud Galenum habetur. Eadem ab Aetio quoque recësetur, nisi quòd pondera uariât, quæ tamẽ si quis compositionem parare, eaquẽ uti uelit, facillè corrigi possint. Nobis eas ad Latinã linguã transcribentibus, non ita temerè faciendum esse uisum fuit, præter Græcorum exemplarium, quæ sequuti sumus præscriptum. Hæc itaque et parari possit, et in usum assumi. Est etiã in pharmacopolijs compositio liberantis appellatione: itẽ eclegma de ouo appellatum. Horum itidem usus et manẽ et ad noctem assumi potest, ad præseruationem. Nam hæc alioqui etiam ad curationẽ assumuntur, in his quos pestis iam corripuit, uelut etiam relatæ antidoti. Verũ de horum iusto tunc usu in sequenti libro tractabimus. Iam uerò ad his compositis ad simplicia quædam quæ præsumuntur progrediemur. Inter hæc autẽ facile primas tenet bolus Armeniaca, de qua diximus, loco de ipsa ex Galeno adducto. Et hæc nõ
f solum

lib. 2. de ant.

lib. 3. ca. 98.

solum eam uim habet, ut à peste præseruet, sed etiã liberet iam correptos. Verùm præseruationis gratia satis est ut accipiatur scrupulus unus, hoc est tertia drachmæ pars, ex uino diluto, mane antea quàm quis domo progrediatur. quod tum demũ fieri debet, ubi aer à solis radijs fuerit illustratus ac expurgatus. Videtur autẽ & terra sigillata eodem modo usurpari posse, etiamsi Galenus & medici Græci hanc uim ipsi nõ tribuant Lemniæ terræ, quam sigillatã & sigillum uocant. Et incertũ est, an eadem hodie sit terra sigillata appellata, cum Lemnia illa quæ Dianæ sigillum præferebat: quum hodie nescio quorũ regum sigilla imprimantur. Sed à dubijs abstinere præstat, & his uti quæ nota sunt, & facile haberi possunt. Qualis est quinquæfolij, uulgo tormentilla appellata, cuius experienciã multi iactant, drachmam dimidiã ipsius in puluillũ redactæ, ex uino diluto sumendã affirmantes. Sed et dictamni radix in pulucrẽ cõminuta multum de se experimentũ exhibuit, cuius scrupulum unũ cũ posca, id est aceto & aqua, bibendũ præbêt. Betonicæ quoq; herbæ radicẽ exhibêt eodẽ modo. Hanc aut officinæ uulgo corrupta uoce tunicum appellant. Idem asseuerãt de pimpinellæ radice uulgo notissima, sed de qua dubitatur, an sit anchusæ species, aut elatines, aut ipsum petroselinum

scelinum Macedonicum appellatum. At uerò o-
xalidis herbæ, quam & acetosam uocant, pugil-
lum unum quotidie ante prandium, & ante cœ-
nam quidam sumunt, aut eandem in puluillum
tritam, & experientia ac euentu testantur, se
ex eius usu illesos permansisse. Scabiosæ quoq;
notæ hodie herbæ, sed de qua non satis constat,
an stœbe, aut phleos, aut cirsiion ueterū sit, suc-
cum non solum præbibendum in peste exhibēt,
sed etiam correptis ab illa eundem, aut etiam a-
quam ipsius sublimatam ut uocant, propinant,
ac pollicentur certum inde auxilium, si non mæ-
lum duodecim horas sit transgressum. Iam uerò
ut neq; uulgatissima omittamus, quidam etiam
quotidie antea quàm de domo exeunt, cepas &
allia cum butyro edunt, ut non temerè à Galeno
dictum sit, allium esse theriacam hominum agre-
stium. Porro quidam in his simplicibus solis per
se singulatim sumendis parum fiduciæ ponen-
tes, duo ex his aut tria, aut plura, aut omnia si-
mul in puluillum comminuta eodem modo usur-
pant, uelut si uno solo uterentur. Adscribā itaq;
aliquot puluillorum formas, quas hac ætate Puluilli à
in pharmacopolijs præparatas expositas par- peste præ-
tim usurpari uidi, partim etiam ipse & in Gal seruantes
lijs, & inferiore ac superiore ad Rhenum Ger-
mania, ultra item & citra Oceanum magnum

usurpauit, pro regionum, etatum, temperamen-
 torum ratione, nunc additis quibusdā, nunc de-
 tractis, & pondere quoq; ac exhibitionis modo
 1 uariato. Primus itaq; recipit, Radicis dictamni,
 tormentillæ, boli Armeniacæ præparatæ, terræ
 sigillatæ, singulorū drachmas sex, gentianæ un-
 ciæ dimidium, corallorum rubrorum, beeni u-
 triusq; singulorum drachmas tres, ossis de cor-
 de cerui, limaturæ eboris, singulorum drachmā
 unam, caphuræ scrupulos duos, margaritarum
 scrupulos duos, fragmentorum quinque generum
 lapidum preciosorum, singulorum scrupulum
 unum. Comminuantur omnia in tenuissimū pul-
 2 uillum. Alter recipit boli Armeniacæ præpa-
 ratæ unciam unam, radicis tormentillæ, betoni-
 cæ officinis tunici appellatæ, dictamni, sandali
 rubri, singulorum drachmam unam, rasuræ ebo-
 ris, corticum citrij, margaritarum splendidarū,
 singulorum scrupulos duos, fragmentorum ru-
 bini, saphiri, granati, hyacinthi, smaragdi, sin-
 gulorum scrupulum unum. Fiat puluillus. Ter-
 3 tius recipit boli Armeniacæ præparatæ uncias
 duas, cinamomi optimi uncia dimidium, radicis
 dictamni, tormentillæ, betonicæ, sandali rubri,
 singulorū drachmas duas, rasuræ eboris drach-
 mam unam: corticum citrij, margaritarum pu-
 rissimarum, singulorū drachmæ dimidium, frag-
 mentorum


mentorum quinq; generum lapidum precio-
 rum, singulorum scrupulum unum: succini scru-
 puli dimidium: ossis de corde cerui drachmam
 dimidiam, ramentorum unicornu scrupuli dimi-
 dium: foliorum auri & argenti, singulorum nu-
 mero tria. fiat pulvis. Quartus recipit radicis 4
 tormentillæ, dictamni, betonicæ, coriandri præ-
 parati, singulorum unciam dimidiam: boli Ar-
 meniæ uncias duas: cinnamomi unciam unam:
 terræ sigillatæ, coralli rubri, beeni utriusq;, san-
 dali rubri, corticum citrij, singulorū drachmas
 duas: succini, limaturæ eboris, croci, maceris, sin-
 gulorum drachmam unam: seminis oxalidis, in-
 tubi, portulacæ, singulorum scrupulos duos, seri-
 ci crudi & usti, utriusq; drachmæ dimidiū, mar-
 garitarum, ligni aloes, ossis de corde cerui, sin-
 gulorum scrupulum unū: rasuræ unicornu scru-
 pulum unum: ambre grana sex, moschi grana
 tria: aut æstate horū loco, grana caphuræ tria.
 Fiat puluillus. Quintus recipit zedoariæ, ci- 5
 namomi electi, singulorum drachmas duas, boli
 Armeniæ unciam unam, seminis oxalidis, semi-
 nis citri, corticum citrij, singulorum drachmas
 duas: radicis dictamni, tormētillæ, betonicæ, sin-
 gulorū drachmā unā, rasuræ eboris, ossis de cor-
 de cerui, coralli rubri: sing. drachmæ dimidium:
 fr agmētorū smaragdi, granati, rubini, hyacin-
 thi,

Puluillorū
usus

thi, sing. scrup. unū, Fiat puluis. Verū sufficiūt
hæ formæ ac descriptiones, quæ tamē prout di-
xi, etiam mutari ac uariari possunt. Horū autē
puluillorū usus esse potest quotidie mane cū ui-
no diluto cum aqua rosacea aut oxalidis. Potest
dari scrupulus unus pro una uice, aut etiam am-
plius pondus, si zaccharum addatur, quod sanē
ad pōdus aliarū rerū, quæ in singulos recipiun-
tur, ita ut æqualis sit & zacchari & specierum
modus, addi potest. Sed finē priori libro impo-
nā, ubi adhuc unā pastillorū descriptionē asscri-
psero, quorū usus esse potest semper, ubi quis in
publico, et maximē in turba uersatur, ita ut quis
ore detineat, ac eliquatos deglutiat. Recipiunt
autem gentianæ, zedoariæ, dictamni, tormentil-
le, pimpinellæ, scabiosæ, sing. sesquidrachmam:
specierum electuarij de gēmis, diamargariton,
diamoschi dulcis, sing. drach. unam: seminis ru-
tæ, oxalidis, citrij, sing. scrupulos duos: myrrhæ
drach. duas: terræ sigillatæ drach. tres: corticis
citrij drach. duas: galliæ moschatæ, alyptæ mo-
schatæ, singul. uncia dimidium: unicornu electi
drach. duas: theriacis optimæ drach. quinque: mi-
thridatici optimi unc. unā: zacchari quantum
satis est ad hæc edulcanda, & cum mucilagine
tragacanthæ incorporētur, & fiant pastilli in-
star bechicorū, inuoluantur speciebus liberātis.

Ianō

LIBER II. 87.
 IANI CORNARII MEDI-
 ci physici, de Peste Liber
 posterior.



UPERIORE lioro clarif-
 sime Mordisi, in pestis tractatio-
 ne eo usque progressus sum, ut
 sperem fore ab illa tutissimum,
 qui se per omnia sic gerat, in re-
 rum non naturalium obseruatione ac præserva-
 tione, quemadmodum præscripsimus: quum fe-
 rè ex eorum numero quæ fieri non possunt, ui-
 deri debeat, ut quis pestem incurrat, qui Dei o-
 ptimi maximi auxilio, & eiusmodi præsidio sit Præsidium
 munitus, etiamsi in aere quantumuis pestilenti firmissimè
 uersetur. Quandoquidem uerò pauci sunt, qui
 ita sanitatis suæ studio tenentur, ut satis caueât,
 quo penitus illasi permaneant, & alioqui nihil
 est ab omni parte beatum, uelut ille dixit, quum
 multæ occasiones offerri possint, quæ nos peri-
 culo obijciât, dū aut circa parentes, aut liberos,
 aut cognatos, aut amicos malè habentes uersa-
 mur: aut etiã officij gratia quasdã occasiones ui-
 tare nō possumus: posteriore hac libro de pestis
 curatiōe, si quis ab ea correptus sit agemus, quic-
 quid ad hanc pertinet diligētissimè & q̄ breuissi-
 mè demonstraturi. Et primum de signis.

f 4 Signa

Signa à peste correpti.

Caput I.

SI in pestilenti aliàs constitutione aliquis de repente, ex nulla euidenti occasione tristetur, & uelut in angustijs constitutus, de cordis afflictione cōqueratur, ita ut se uelut uiribus deficere sentiat, etiamsi nulla uel exigua aut in facie, aut in urina alteratio, neq; aliquis compareat abscessus: pulsus tamē sit uelox et densus: is acutissima febre pestilēti correptus esse iudicandus est, ut in quo ambiētis aeris pestilēs infectio per inspirationē hausta: iam per arterias ad cor distributa sit, ut uix in alterū aut tertiu ad summum diem uita ei speranda supersit, si non auxilijs exhibitis ei succurratur. Deinde si lassitudo spontanea sentiatur, cum capitis maximè grauitate, accedatq; nausea & uomitus, & hinc somnolentia, ac aliquo modo mentis emotio, talem qui ita se habet, peste affectū esse, minimè dubitandum est. Quod si aut pustula, aut rubores, aut abscessus affuerint, aut circa locos in quibus illi erūpere solēt, iuxta aures uidelicet, aut sub alis, aut ad inguina grauitas aut dolor percipiatur, iam nihil amplius est ambiguitatis. Si itē corpus foris nullam de se caloris significationem exhibet, & tamen affectus de magno circa internas partes conqueritur ardore, etiam hoc signum

gnum est inspirati aeris infecti, iam ad cor & pulmonem delati. Talis fuit pestis à Thucydide descripta, cuius superiore libro mentionē feci. Est etiam in omnibus correptis pulsus ut plurimum debilis, uelox ac densus. Urinæ nihil certi indicant, sed modò albæ, tenues & claræ apparent: modò flauæ, & rursus conturbatæ ac crassæ: ut neq; præsentis mali indicium, neq; salutis aut mortis certa prænotio inde sumi possit. Huc etiam referri possunt ea symptomata quæ superioris libri capite quarto ex Aetio & Paulo produxi. Nec omnibus his signis inhiare oportet, sed quædam ex his obseruasse satis est, quum & præsens aeris constitutio non exiguam mali significationem exhibeat. Quum autem ex humorum putrefactione febres pestilentes oriantur, diligens & peritus medicus de humore facile iudicare poterit ex ægroti temperamento, & ætate, regione etiam ac anni tēpore, & nō minimè quoq; ex prægressi uictus ratione.

Curationis pestis modi.

Caput II.

HIS ita iam se habētibus, ad curationē celerissimè festinandum est, quum morbi malignitas nullas det inducias, & frustra auxilia omnia adhibeātur, si malū diem naturalem fuerit trāsgressum, id quod magna multorū ex-

f 5 pericu-

perientia pro compertissimo habetur, nisi fortassis in quibusdā purioribus aliquāto corporibus tam levis sit facta impressio, aut tam fortis sit uirium facultas, ut etiā post illud tempus quidā sanatos se esse putauerint. Iam sicut in præservatione studium nobis erat corporum resiccatio, ita etiam in curatione statim omni modo humida corpora siccare conabimur, & superfluos humores partim uenæ sectione, partim purgationibus euacuabimus, meatus quoq; obturatos reserabimus ac extergemus. Primū itaq; omniū ut mali aliquis sensus, aut suspicio nō adeo cōtemnenda adest, uena secāda est, si ætas nō prohibeat, uel eorū qui decimūquartū annū nondū excesserūt, uel eorū qui sexagesimum trāsgressi sunt: qui etiā alioqui uehementi peste nō tentatur. Senes enim, inquit Plinius, minimè sentiūt pestilentia. Viriū ratio etiā si nusquā negligēda sit, tamē hic minus habenda est, quod quū præceptis sit malum, præstat anceps experiri auxiliū, quā certū incurrere periculū: & uenæ sectionē ultra septimā, aut octauā ad summū horam dilatā, inefficacē de cætero esse, & ratioi consentaneū est, et experiētia cognitū, ueneno iam ita circa cor hæ-

Li. 6. ca. 50

Li. vi. mor rēte ac firmato, ut reuelli nō possit. Secāda autē bo. pop. est uena dolēti aut grauitatē percipiēti loco profectio. 5. xima, iuxta Hippocratē, qui in doloribus proxi-

muus

mū uentrē purgare, & sanguinis uentrē secare
 iubet. Quū autē tres principes partes pestilētis
 ueneni uis impetere cognoscatur, cerebrū, cor et
 hepar, etiā si quū duas illas tētet, cor tamen sem-
 per maximē simul affligat: & tres illæ partes ad
 suos locos à se depellere illud soleant, cerebrum
 nimirū ad locū circa aures & collū: cor ad bra-
 chia & sub alas: hepar ad inguina & crura, ali-
 quādo etiā ad ipsos usq; malleolos: pro horū om-
 niū ratione uenæ incidēdæ ueniūt, aut humera-
 ria in cubiti flexura superna, eius lateris in quo
 apparet abscessus à cerebro depulsus: aut basili-
 ca siue regia in cubiti flexura interna, eius late-
 ris in quod cor abscessum à se depulit: (possit ta-
 mē media eius loco secari, si fortē illā reperire nō
 detur) aut uena circa malleolos, in eo latere, in
 quo abscessus ab hepate depulsus cōsistit, aut gra-
 uitas aut dolor adest. Modus autē emittēdi san-
 guinis ex Hippocratis præscripto haberi potest, 1. Aphor.
 qui ait: Quæ prodeunt, nō multitudine æstima- 23.
 re oportet: sed quādiu prodeāt qualia oportet, “
 et facile æger ferat. Et ubi opus est, usq; ad animi “
 deliquium ducere oportet, & hoc facere, si suf-
 ficiat æger. Quare etiam sanguinis detractionē
 repetere præstiterit, quā semel auferre, quod
 eadem die quinq; aut sex horis interpositis fieri
 potest. Porro si quid uenæ sectionē prohibeat,
 cucur

cucurbitulas affigere expedit, cum scarificatione satis profunda, aut ad collum & scapulas, aut ad lumbos et ad nates, aut ad genua, uel infra ipsa. Nam & hæ uenarum sectarum uicem aliquatenus subire possunt. Post uenæ sectionē, iam exhibenda sunt ea medicamēta quæ à peste præseruātia, partim simplicia, partim cōposita, superioris libri capite decimoquinto adscripsi. Nam & theriaca dari potest, & bolus Armeniaca, aut aliquis ex descriptis isthic puluillis: uerū alia ratione, modoq; & pondere ampliore, quā etiam ut correptos à peste liberent, non ut sanos præseruent, nūc in usum assumātur. Sumatur itaque theriaca uera ac bona, decē annorū ætatis, drachma una plus minus, pro ætatū, temperaturarum ac anni temporū ratione: cū aquæ rosacæ & oxalidis ac scabiosæ singularū uncia una, affuso modico acerrimo aceto. Aut exhibeatur eclegmatis de ouo drachma una plus minus, iuxta relatos paulò antea respectus, cum aquæ intybi, oxalidis & scabiosæ singulis uncijis. Aut detur boli Armeniacæ præparatæ drach. una plus minus, uelut diximus, cū uini albi odorati uncia una, & aquæ rosacæ sextāte. Aut detur aliquis ex puluillis citato loco descriptis, drach. unius plus minus pōdere, cū aquæ oxalidis & scabiosæ ac rosacæ singulis uncijis, addito modico aceto.

biben

bibēdus. Hæc medicamēta ad meatus aperiēdos, & sudorē excludendū bibūtur. Quapropter ab ipsorū potu æger decūbat, & contegatur ut sudare possit: nec dormiat, sed ad uigilandū omni modo cogatur, quo minimū quatuor horis uigil ab hausto medicamēto sudet: & si uires tolerare possunt, aliquāto diutius. Quod si sudor nō citō proueniat, lateres calefacti in quantū æger ferre posse uisus fuerit, pedibus apponātur, quibus linteolis aqua madefactis inuolutis pedes admoueat. Potest etiā chamæmeli aut origani decoctum calidū quantū tolerare potest, nō solū pedibus, sed etiam ad latera ac inguina adhiberi, uase uitreo aut fictili ad hunc usum cōmodo exceptum. Interim uerō ad uires reficiendas syrupus de acetositate citrij appellatus, dari potest: aut ipsum citriū siue medicū malū zaccharo, prout fieri solet, conditū: aut rosarū, aut uiolarū, aut boraginis, aut buglossæ flores zaccharo conditæ. Item ea cōfectio quā manū Christi appellant, cū margaritis præparata, & cōsimiles multæ hodie in omnibus pharmacopolijs uenū propositæ. Forinsecus quoq; epithemata cordis regioni adhibēda sunt, ex aquis buglossæ, boraginis, rosarū, oxalidis, intybi & nymphææ, ita ut tincta in his linteola adhuc madētia imponātur. Potest & pāniculus de scarlaco appellato pāno in illis madefieri, 46

ri, ac imponi. Nā & huic quidā experimēto factō splendidū hac parte testimoniū præbent. Aut cōponitur tale quoddā epithema, quod recipi-
at, aquæ rosacæ trientē, aquæ uiolarū, oxalidæ,
buglossæ, singularū sextantē: sandalorū omniū,
rosarum rubrarū, coralli utriusq; corticū citri,
singulorū drachmā dimidiam: ossis de corde cer-
ui, ligni aloës, croci, singulorū scrupulū unū: ca-
phuræ scrupuli dimidiū, aceti rosacei uncia dimi-
diū. misceantur omnia probè, linteolis tinctis ad-
hibenda. Aut hoc quod recipit aquæ rosacæ li-
bram unam, sandalorū omniū drachmā unam,
camphoræ drachmæ dimidium mixta, ut dictum
est, in usum assumantur, & adhibeātur nō ita ut
actu sint hæc epithemata frigida, sed ante adhi-
bitionē panniculi aut sindones siue linteola in il-
lis tincta, calida manu aliquātulum exprimantur,
& sic adhibeātur: & postquā resiccata fue-
rint, rursus tingātur. Hæc epithemata, & illa
quæ uiribus reficiendis intra corpus sumenda
dixi, tum aliàs in usum assumi possunt, tum hoc
maximè tēpore, quo eger contactus decūbit, &
ab accepto medicamēto liberāte exudat. Quod
si cōtingat, uelut cōtingere aliquibus solet, ut me-
dicamentū hoc eger retinere nō possit, sed uomit
tu reiiciat, sine mora abluto prius ore, aliud atq;
aliud, & maximè idem quod prius exhibēdum
est,

est, toties quoties prius acceptū uomitu reiecerit. Profecto qui primā potionē retinēt, in maxima spe cōsistunt fore ut excluso malo liberētur. Et ferē nunquā compertū est perijisse, qui illam retinuiisset, et in cæteris nō neglectus fuisset. At contrā qui aut primā reuomūt, aut posteriores non probē, aut non in totū retinent, mali potentioris medicamēto indicium præbent, ut quod ad cor delatum, id iam penitus occuparit, ut resistere nullo modo possit. Atq; hæc ferē prima die faciēda sunt. Nam à uenæ sectione, et medicamēto liberante ac sudorifico, statim cibus offerendus est, de quo deinceps agemus.

Cibi ac somni in peste correptis ratio. Cap. III.

Cibos esse ægrotis exhibendos quotiescūq; expetiuerint, atq; inuitis etiā ac nolētibus offerēdos, ut ad capiendū illos aliquo modo cogātur, rationi consentaneū esse, uidetur his qui uirium maximā curam habēt, quæ in pestilēti morbo subito resoluentur, ut magnitudini morbi resistere non possint, si non statim etiam reficiantur, et spiritus infecti uelut renouētur. Spiritus autē cum omnibus quæ eduntur ac bibuntur, in corpus ingredi, Hippocrates dicit, uelut in superioribus dictū est. Nec audiendi sunt hic diatritarij appellati, qui in tertium usq; diem, inc-

mediam in morbis acutis omnibus præcipiunt, Hippocraticum fortassis etiam ipsi præscriptum sequi se putantes, dum, Ad extremos morbos, ex actè extremæ curationes optimæ sunt, dicit. &

1. Aphor. addit: Vbi igitur peracutus est morbus, statim etiam extremos labores habet, & extremè tenuissimo uictu uti necesse est. Nam hoc quidem negligendum non est: sed tamen etiam illud quod mox isthic subiungit, simul diligenter expèdendum. Simul autem coniectare oportet, inquit, an æger ex uictu durare possit ad morbi uigorem, & utrum ille prius deficiet, & ex uictu durare non possit: aut morbus prius deficiet, ac obtundetur. Ex peste igitur laborantes sæpe & modico cibo reficiemus, tribus aut quatuor ad summum horis interpositis. Cibi autè sint sorbiles, concoctu faciles, ex ptisana, aut ex aucua eodem modo uelut ptisana parata, aut etià ex tritico et zea similiter parata, quæ propriè alica dicitur. Hæc coqui possunt simpliciter ex aqua addito butyro, aut oleo: aut etià cū lacte ex amygdalis dulcib. extracto: aut cū iusculis gallinarū, aut pullo rū illarū. Hæc autè iuscula præstātiora euadūt, si coctis illorū carnibus, donec ab ossib. separentur, ita expressio ipsorū fiat. Potest etià aliquid in hæc addi de succo oxiacantæ, mali punici, aut matiani, uulgò corruptè pomi arātij appellati,
- aut

aut mali citrij, aut oxalidis, aut etiam modicum aceti. Conueniunt item pulticulæ ex farinis ordeï, auenæ, tritici, et ex amylo paratæ, cum ijsdem iusculis. Nec improbanda sunt oua gallinacea mollia, tremula, sorbilia. In reliquis superiore libro traditam uictus rationem consulere ac sequi potes, iuxta iam relatorum respectum, et prout de die in diem æger amplius conualescens melius habuerit, & ampliorem uictum requisierit. In potu aqua ordeï cocti, donec ruptum hiarit, competit. atq; hic quidem modus eius parandæ, simplicissimus est. Nec uerò quicquam uetat in cocturam addere uuas passas uinaceis exemptis, aut etiam glycyrrhizæ radicē: & ab his omnibus unā cum ordeo, aquā ipsam postea excolare. Quidam in ipso aurum igne candefactum extinguunt, id quod nunc in medio relinquo, atque ita frigefactam postea bibendam exhibent. Nec est hæc ordeï aqua, ptisana Hippocrati appellata. Sed illa de qua paulò antea dixi, uera ptisana est, de qua per longum in Commentarijs medicis docui. Hanc autem ordeï aquam idem Hippocrates in libro de ratione uictus in morbis acutis, modò simpliciter τὸ λεγιδιον, modò λεγιδιον ὕδωρ appellat. ὕδωρ δὲ λεγιδιον ἰσὺς ὀρεῖ

Αρα inquit, *ῥίαν διδόναι το ῥιθὶς ὕδατος*.
 hoc est, Si uerò ualde siticulosi fuerint, danda
 est in potu ordei aqua. Quo loco Galenus po-
 tum quidem hunc situm eximere, manifestū es-
 se dicit. Sed præstiterat, inquit, ab ipso dictū
 esse, quomodo parare ordeum oporteat, num
 simpliciter madefacere, aut uelut hi qui nunc
 zythum ex ipso faciunt, aut alio quodam mo-
 do. Quopropter nec cereuisia omnino impro-
 banda uidetur, ex ipsa adeò Galeni sententia,
 aut potius suspicione, si quis ordei aquam ue-
 lut dixi, paratam respuat, & maxime si alio-
 qui sit tempore sanitatis cereuisiæ potui ad-
 fuetus. Sed nec uinum penitus prohibendū est,
 bibere id antea consuetis, sed album hoc sit et
 tenue, aut etiam si æger fert, dilutius aliquan-
 to. Porro quod ad somnum attinet, alte-
 ra die non solum permittendus est, sed etiam ius-
 uandus ac procurandus. Quum enim prima
 die uigilias necessariò tolerarit, et uenæ sectio-
 nis, & exudationis ab accepto medicamento
 liberante gratia, ne inde spiritus nimium exol-
 uantur, ac uires penitus concidant, somnus
 admittendus est, & ad uires reficiendas, & ad
 spiritus recolligendos. Et tamen rursus absces-
 suum magna ratio habenda est, ut ne si foris ap-
 paruerint

Somnus in pe-
 ste.

paruerint, per somnum intrò reuocentur, iuxta eorū quæ superiore libro de Somni & uigiliarum uiribus ac effectibus scripsi rationē. Quapropter tutius est ut apertis iam tumoribus somnus & quies concedatur. Sed de hac rerursus dicendum est. Hæc de cibo et somno, supra ea quæ prius relata sunt, necessariò adscribenda duxi. Cæterarum uerò rerum non naturalium usus, uelut in præseruatione præscriptus est, etiam huc ad curationem transferri potest. Iam autem ad ea quæ altera die facienda sunt, transeamus.

De purgatione peste correptorum. Cap. IIII.

Altera die quidam mox ad putrefacti humoris expurgationem festināt, aut singulos, aut mixtos illos purgātes, prout aut simplicem aliquem, aut duos, aut omnes simul putrefactos esse, ex certis signis, de quibus in superioribus mentionē feci, cognouerint ac indicarint. Sed profectò etiam hic magna cura & diligenti animaduersione opus est, ut ne pridie & morbi ui, & uenæ sectione, & sudoris exclusionē, uiribus attritis, postridie unā cum humoribus ipsa etiam uita expurgetur.

Infusa per cly-
sterem.

Cichorij syru-
pus.

Quapropter cautius faciunt qui infuso ali-
quo per clysterem utuntur, præsertim si aluus
sit adstricta: quale est hoc quod recipit, mal-
uæ, bliti, mercurialis, singulorum manipulum
uum, florum uiolarum manipulum dimidiū,
fiat decoctio de qua Recipe libram unam plus
minus, & dissolue in ipsa, cassiæ bonæ ac recē-
tis, diaprunis confectiois simplicis, zuccha-
ri albi, singulorum unciam dimidiam, olei uio-
larum quadrantem, salis drachmas duas, fiat
enema. Aut hoc quod recipit florum uiolarū,
nymphææ, singulorum manipulum dimidiū,
herbarum maluæ, mercurialis, lactuæ, singu-
larum manipulū unum, fiat decoctio, in cuius
uncijs sedecim dissoluatur cassiæ, hieræ picræ
zacchari albi, singulorum uncia dimidium,
olei uiolarum quadrans, salis parum, fiat infu-
sum. Ab hoc infuso iam bibendum dare potes
syrupum de cichorio aut intybo, ut hinc præ-
parati aliquo modo ad educationem humores
eo facilius euacuētur. Nam siue altera siue ter-
tia die purgare uolueris, magna rursus tibi ab-
scessuum ratio habenda est, ne quos natura ui-
sua foras expulit, tu impedito eius impetu in-
trò reuoces, dum putridos humores per aluū
euacuare studes. Expurgandorum itaq; humo-
rum

rum gratia confectionis diaprunis uulgo officinis appellatæ, unciam unam dare potes: aut eclegmatis de succo rosarum semiunciam: aut confectionis diacatholicon dictæ, drachmas plus minus quinq;: aut cōfectionis hamech dictæ semiunciam. Hæc singula in bolum spissum cum zaccharo redditum cogi possunt, ac sic deuoranda exhiberi. Aut recipe confectionis hamech, eclegmatis de succo rosarum, singulorum drachmas duas, & cum zaccharo albo fiat bolus spissus. Potes etiam pilulas de hiera simplici Galeni, aut cochias appellatas dare, drachmæ unius pondere, utras ex istis duobus generibus malueris. Aut recipe massæ pilularum de rha barbaro, Indarum, singularū drachmæ dimidium, fiant pilulæ numero quindécim, aut prout libuerit: neque enim quicquam refert, modò humoribus educendis commodū des medicamentum, quod etiam suauiter citra magnam turbationem, id quod debet, faciat. Post purgationem proximum est ut quomodo tumor aut abscessus tractandus sit, uideamus. Verum prius ordinis rationem in relatis tribus auxilijs adhibendis, considerabimus: quū aliqui primum, mox ubi quis aliquam de peste suspicionem habet, medicamenta illa per sudo

Ordinis ratio
in auxilijs in
peste.

rem liberantia dare malint, & deinde uenam
secare, atq; sic ad purgationem progredi: ali-
qui uerò statim ab infuso curationem auspicē-
tur, deinde uenam secant, & postera die pur-
gationem faciant, & tertia tandem die ad me-
dicamenta sudorem excludentia deueniant. At
que hi quidem in eo quod infusum uenæ sectio-
ni præmittunt, superfluitatum cōmunium edu-
cendarum gratia: ne quid de his intra uenas à
facta sectione trahatur, nihil delinquunt, si sta-
tim ab infuso ad uenæ sectionem progrediun-
tur, et alioqui tantum moræ morbus indulget.
Sicut neq; in purgandis humoribus altera die
peccant, si morbus urget, & uires sinunt. Ve-
rum quod tertia demum die ad medicamenta
sudorifica deueniunt, ab omni ratione alienū
esse uidetur, quum experiētia compertum sit,
pleraq; ex illis frustra absumi, si pestis detinue-
rit ultra octo aut decem ad summum horas, nī
si leuioris mali, aut robustiorum uirium bene-
ficio, etiam serius accepta efficacia quis sen-
tiat. Quapropter priores illi melius faciunt
quòd talia medicamenta etiam ante uenæ se-
ctionem exhibent, mox ab initio sensus aut su-
spicionis mali, ad illa festinantes. Sed tamē om-
nino consultius esset uenæ sectionem præmit-
tere

tere, et deinde illa exhibere, ut quæ ab hac uni-
uersaliore facta euacuatione, melius distribui
possint, & uim suam efficacius declarare, eo
sanguinis euacuati, uelut onere deposito.
Quod si tamen sit quod uenam secare prohi-
beat, aut ætas, uelut dixi, aut ægri eam non
admittentis metus, aut eius qui secet inopia,
aut quiduis tandem aliud, tunc iam medica-
mentum liberans per sudorem mox dari ni-
hil uetat. Imò res ipsa cogit, ut uel cum peri-
culo aliquid agamus, quum præsens pericu-
lum certum & inuitabile facile nos indu-
cat, ad periculi incerti, & aliquam adhuc
spem secum asserentis experimētum. Sed iam
ad abscessuum tractationem progrediamur.

Tumoris aut abscessus quæ sit cu- ra habenda. Cap. v.

Statim ut tumor aut abscessus aliquis ap-
paret, & uenæ sectio eo modo ac loco,
uelut diximus, facta est, & medicamentum
aliquod liberans per sudorem exhibitum, im-
ponendum est aliquid extrinsecus super ip-
sum, quod materiæ uenenosæ de principe ali-
qua parte depulsæ ampliorem attractionem

Attrahentiū
usus,

faciat. Neque enim hic, uelut in alijs abscessibus ac inflāmatis tumoribus fieri solet, repellentia adhibenda sunt, sed naturæ impetus adiuuandus, per ea quæ attrahendi uim habent, quā citissimè admota ac imposita. Nam hic uelut in parotidibus, ex profundo ad cutem humores noxios ac uenenosos attrahere conamur, non repellere. Quapropter aliqui hic non solum attractoria medicamenta adhibent, sed etiam cucurbitam aut hirudines apponunt, atque hoc tunc maxime quum purgans medicamentum exhibent, ne hoc ipsum naturæ impetum foras tendentem intrò ad se reuocet. Quanquam hoc ualde magna cautione tentare oporteat, præsertim si scarificatio simul fiat, uelut fieri non alienum est, ne uidelicet hinc uehemens dolor hominem corripiat, ad quem uigiliæ consequantur, & febris augeatur, ac uires exoluantur. Attractiones itaque faciendæ gratia raphanus in laminas sectus imponi potest, et sæpe permutatis laminis renouari. Potest & cepa excuari una aut plures, prout aut magnæ sunt, aut multis opus est. De his superna pars defecatur, et facta internæ partis excavatione theriaca bona immittitur, & de-
secta

secta illa pars rursus superponitur. et sic, prius cum calido cinere obruta assantur, assata eximuntur, tunduntur, & emplastri forma tumori imponuntur. Hoc emplastrum multam de se experientiam præbuit, & vulgaris ubique usus est, nec ratione caret, quum & cepa & theriaca, ueneni attrahendi uim habeat: & hæc insuper attractum inefficax reddat ac consumat. Sunt etiam qui emplastrum diachylon appellatum, corrupto in diachylon officinis nomine, sextantis pondere cum galbani & ammoniaci thymiamatis singulorum semuncia committunt, & emplastri modo inducunt. Potest & emplastrum hoc modo parari, ut recipiat ceparum sextantem, scillæ sesquiunciam, hyssopi, calaminthæ, origani siccorum, singulorum manipulum unum. Hæc in aqua lixiuij ebulliant, donec flaccescant ut contundi possint, & his addatur galbani, sagapeni, ammoniaci, thymiamatis, singulorum uncia una, resine pinus, uisci quercini, mellis, singulorum quantum satis est, ut ex omnibus emplastrum fiat. Nec uerò diutius hic immorandum est, neque donec abscessus maturescat expectandum, sed quam primum aperiendus hic est ad-

huc crudus ac immaturus, atq; hoc scalpello
facere & promptissimū, & tutissimū est, ita
ut καὶ ὑγιεινὸν hoc fiat, uelut Hippocrates
ait, hoc est ad decliuem partem quo saniei ac
puri defluxio promptior contingat. Potest ta-
men et cauteri fieri ferri igniti, si ægri metus
admittat, & corpora alioqui non sint tenera
ac mollia natura, nec etiam morbo amplius
debilitata. Et cauterij uis est ea, ut non solum
abscessum crusta inducta aperiat, sed etiam
multum de uenenosa materia attrahat ac con-
sumat. Quapropter in his qui ignis actu u-
sionem formidant, quidam cauteria potētia
urendi uim habentia adhibent, qualia ex cal-
cis uiuæ dupla aut etiam tripla, cineris & a-
luminis liquidi, singulorum simpla portione
fiunt, si ex his lixiuium paretur, atq; hoc con-
sumi permittatur in uitreo aut æneo uase re-
positum, donec id quod in fundo residet, lapi-
descat, quod sanè ad futurum usum reseruan-
dum est in uase probè obturato ne aerem ad-
mittat: nam inde rursus in aquam resoluitur.
De hoc cauterio fabæ non magnæ magnitudo
ad tumore adponatur. Loci autem uicini un-
guento albo Galeni, aut cādido oui cum oleo
rosaceo conquassato, ac linteolo inducto, aut
alio

alio quopiam inflammationem arcente muni-
antur. Nec diutius sinendum est hoc caute-
rium, sed statim ubi crusta induxit, tollendū.
At dolori ex sectione aut ustione inducto mi-
tigando, mox adhibendæ sunt spongiæ mal-
uæ aut chamæmeli decocto imbutæ, ac mox
indenda linamenta candido oui tincta, & si-
nendus æger ut quiescat per totum diem na-
turalem, nisi doloris uehementia ad deligatu-
ram soluendam te urgeat: Quòd si omnino fa-
ciendum est, linamenta noua inserenda sunt,
oleo rosaceo aut adipe gallinaceo, ad oui can-
didum addito, quibus linamenta tingantur.
Quòd si maturatione abscessus opus fuerit,
emplastrum hoc simplicissimum imponi po-
test, nimirum ut triticea farina cum aqua &
oleo donec in emplastri formam densetur co-
cta, imponatur. Aut recipe corticū radicis al-
thææ, radicis liliorū alborū, foliorū maluæ,
singulorū manipulū unū. Hæc in aqua cocta
iam eximūtur ac cōtundūtur, deinde additur
farinæ fœnigræci, farinæ seminis lini, singulo-
rum sextans, & cum axungie et adipis gal-
linacei singulorum quadrante, omnia si-
mul committuntur ac uniuntur ad empla-
stri usum. A maturato iam abscessu proxi-
mum

mum est ut purgetur ac mundetur, id quod cum farina ordeï ammixto oui luteo, & melle rosaceo facere ualde procliue est. Iisdem uerò etiam crusta remouetur, si butyrū probe lotum pro melle addas. Aut recipiatur farine ordeï, mellis, singulorum uncia una, succi apij quadrans, coquantur ad spissitudinem, & linamentis illita indantur. Proximus deinceps ab his usus est eorum quæ incarnant replentq; ulcus ac cicatricem inducunt. Sed & hæc, & paulò antea relata omnia, tam nota sunt ubique uulgò etiam chirurgorum, non solum ex medicorum Græcorum, Galeni, Pauli, Aetij, & aliorum libris, ut neque de his opus sit me hic longiorem esse, neque circa illa afferenda me occupari oportuisset, si non libuisset hoc tractandi modo indicare uiam, his qui fortassis ipsi uel in seipsis, uel in amicissimis sibi, horum usus rationem expetent ac sequentur, si medici aut physici dogmatici, simulq; experientia præstantes consiliū requirere noluerint, aut fortassis neque libenter ullum chirurgum admitterint: quod tamen neque faciendum est, neq; admodum fieri solet, quum nemo adeò iucunde hanc operam uel sibi ipsi, uel suis præstet:
& tot

Et tot hodie sint in omnibus non solum magnis urbibus, & paruis oppidulis, sed etiam uicis ac uillis chirurgi, quorum omne aut certe potissimum studium est ad eiusmodi tumores & abscessus in peste oborientes curandos: & hi non in peste solum, sed etiam alio quouis tempore plerunque in imperij ciuitatibus, annuis salarijs ad hoc conducti degunt, ut omnis generis externis morbis corporis, & manum & curationem adhibeant, ut hodie nihil notius isti generi sit, quam ulceris maxime simplicis, & tamen aliorum itidem curatio: id quod si Galeni seculo fuisset, non uideretur tam longam ac operosam ulcerum curandorum tractationem instituturus fuisse: qualem praesertim in tertio, quarto, quinto ac sexto Methodi libro, & in his quos de Compositione medicamentorum secundum genera inscripsit, nobis proposuit: quanquam nullum non seculum semper inter paucos bonos artifices, multos ineptissimos Thessalicos asinos, nec rationis, nec experientiae ductu utentes protulerit, ut qui uulgatum usum, prout in alijs, & ab alijs fieri uiderunt, aut factum esse putant, ipsi aliorum simiae sequuntur. Quare ut studiosi literarum

Vlcerum curatione Gal. opere tradita

rum ac honestarum artium cultores, & de hoc hominum genere, & de ipsorum medicamentorum, quæ ab illis adhibentur, ui ac iusto usu, aliquo modo iudicare possint, si forte horum opera utendum sit, hæc longius exequutus sum. Dignissimum enim relatu & memoria omnium studiosorū hoc est, quod Aristoteles uelut exemplum quoddam de se reliquit. Nam quum ægrotaret, & Medicus accersitus ei multa facienda, uelut ex autoritate quadā præscriberet, neq; de his ullas rationes afferret. Ne, inquit, me tractes uelut bubulcū aut fossorē. sed doce prius quæ de causa hæc mihi ita præscribas, & sic sanè obsequentem me habebis, si nihil ex his absq; causa adhibere docueris. Hoc igitur Aristotelis dictum, ab Æliano relatum, studiosi etiam in his quæ hoc capite recensui sequentur, & nō totos se uulgò chirurgorum permittent, quod aliquando omnium penitus literarum ignarum est, nisi fortassis uulgari lingua scriptos circumforaneos libellos legere possit. Nam Medici & doctrina & experientia clari, hodie chirurgiam maxima ex parte auersantur, in tanta nimirum chirurgorum multitudine, ex quibus etiam ipsi præstantissimos

Lib. 9. uariæ
historiæ.

mos quosque deligunt, & unā secum adhibent, si talis sit curatio proposita, quæ manus operam desideret. Et hanc operam etiam Galenum ac ueteres medicos Græcos nō per se præstitisse, sed aliorum maximè familiarium, & domesticorum affeclarum manibus usos esse, ex multis librorum ipsius locis constat. Apponam tamen aliqua simplicia quæ ulcera carne replent, ex quibus uel omnibus simul commissis ac unitis, aut aliquibus delectis, medicamenta componi possunt. Sunt autem hæc, mastiche, thus, myrrha, aloë, aristolochia rotunda, farina erui, argenti spuma, cerussa, cadmia, pompholyx, panax, iridis, item farina & ordeï ac fabarum. Hæc uel magna ex parte, prout conueniunt, omnia, aut de ipsis aliqua, cum seuo hircino, aut caprimo, aut arietino: aut cum adipe gallinæ, aut etiam porcino: & cum cera, quantū cōprehēdendis his satis est, in unguenti formā rediguntur. At uerò cicatricē inducūt eadem magna ex parte, insuperq; galla, alumen scissum, chalcitis, æs ustū, æris squama, misy, & quædam alia. Quidam farinam erui cum melle, insperso thure ad unguenti formā redigunt. Verum sufficiunt hæc de tumoribus inflam-

matis

matris et de abscessibus curandis, quos ferè in glandulosis illis partibus, uelut diximus, consistentes *βασίλιν* Græci uocant. Quia uerò etiam carbunculos in quibusdam oriri in peste compertum est, & in alijs pustulas, aut rubores per totū corpus, etiam de his deinceps agemus.

De Carbunculis, pustulis, papulis, & ruboribus in peste.

Cap. VI.

CARBUNCULOS in pestilenti constitutione cum febre oriri ac populariter grassari, sæpe etiam nostris temporibus compertum est, & testatur Galenus ac Paulus, qui humore crasso ac sanguine atrabilario effervescente, & ad partem aliquem irruente, ipsos oriri tradunt, & esse ulcera crustosa, plerunque à pustula siue bulla ambustis simili initium punientia, aliquādo etiam sine hac. Et exscalpunt sanè affecti omnino in principio ipsam partem. Deinde quandoque una, quandoque plures pustulæ emergunt, milij speciem præferentes sua tenuitate, quibus e-rumpentibus similiter crustosum fit ulcus, si
militer

Lib. 14. Method.

Lib. 4. cap. 25

niliter uelut à ferro candente, crusta ipsa modo cinerei coloris, modò nigri apparente: una cum hoc quod fundo adhæret, & quodammodo affixa est, cum depastione proserpente. Reliqua uerò caro circumfita ualde flammea ac nigra colore fit, & splendicans uelut pix & bitumen. Talis autem est exactè atrabilis. Curationem itaque etiam horum à uenæ sectione ordiri oportet, & sanguinis euacuationem usque ad animi deliquium facere, si sufficiat ager, & nihil aliud prohibeat. Post uenæ sectionem scarificare etiam huiusmodi tumores non alienum est, profundius impactis uulnuscule, ob humoris crassitudinem. Ad ipsum uerò locum affectum moderatè repellentibus ac discutientibus utendum est. Tale autem est cataplasma ex plantagine ac lenticula cocta, micis panis additis, qui nec purus admodum sit, neque rursus ualde sordidus. Super ipsum uerò ulcus ex uehementibus medicamentis aliquid imponendum esse, suadent & Galenus & Paulus, uelut est Andronis, & Polyidæ, & Pasionis pastillus, ita ut diluantur passo ad strigmentitiam compagem. Sed & Massaliotæ puluillus siccus, aut etiam ipse similiter dilutus fit

h

cit. Horum autem medicamentorū compositiones, etiam si hodie exoleuerint, & in usu non sint, & ne nominibus quidem cognitæ pharmacopolis, tamen commodè parari possunt, prout apud hos autores describuntur, & præsertim Paulum lib. 7. cap. 12. & 13. Galenum lib. 6. τὸν λεῖτον γίνεσθαι. & Aetium lib. 14. cap. 50. Addit Paulus etiam radicem dracunculi, aut aristolochiæ, aut succū sylphij, aut cyrenaicum, cum aceto illini posse. Partes autem circumsitæ inflammatae, ex oleo rosaceo & bolo armeniaca cum aceto mixtis, ut unguenti spissitudo fiat, integantur. Aut oleum populeum ipsis illinatur. Quæ uerò de affectione, per consensum suspectæ sunt, lanis succidis uino & oleo imbutis irrigentur. Sedato autem iam ardore ceratum ex nitro, dilutum linamentis exceptum indatur. Eius descriptio apud Paulum hæc est: Nitri torrefacti quadrantem, ceræ, olei, colophoniæ, singulorum sesquiunciam, succi cyrenaici aut medici drachmas decem. Potest & ceratum siue emplastrum ex herbis, tetrapharmacum item appellatum: similiter adhiberi, præsertim si quinta pars thuris, ad quatuor illorum, quæ tetrapharmacum constituant

Tetrapharma
ei compositio.

stituant, singulorum æquales partes addatur, ad ceram uidelicet, & colophoniam, & picem, ac seuum taurinum. Tametsi uerò non conueniat hic ea quæ alijs ulceribus adhibita, maturant ac suppurant ipsa, adhibere, ob formidinem ne partis putrefactio augeatur, tamen studium adhibendum est, ut etiam carbunculi quàm citissimè suppurètur, eaq; gratia sepe medicamenta ac cataplasmata permutare prodest. Quo uerò à coniunctione cum uicinis partibus exoluantur, ac uelut eradicentur carbunculi, mala punica acida concisa coquantur in aceto, & flaccida iam terantur, & linteo infarta imponantur, & ubi resiccata fuerint, aceto humectentur. Suppurat autem & rumpit carbunculos, nucis iuglandis tum ueteris, tum recentis nucleus, cum uua passa & caricis ac polenta, æquis portionibus in uino coctis addito oleo papaueris, ut emplastrum fiat. Aut picem liquidam cum uuis passis, & adipe suillo imposito. Aut oui luteum cum sale. Aut serapiaden uiridem, quæ etià triorchis appellatur, cum micis panis contritam, uelut cataplasma imposito. Hoc & ad carbunculos & omnia crustosa facit. Crusta uerò elapsa, uelut com-

h a

mune ulcus curatur. Porro quum non solum
 carbunculi in pestilenti constitutione obo-
 riantur, sed etiam papulae ac pustulae, etiam
 ipsarum & natura, & curatio consideranda
 est. Sunt itaque pustulae eruptiones quae fiunt
 crassis humoribus in cute impactis, & magis
 adhuc si summa cuticula densa sit, & hæ in
 pestilentibus febribus etiam ulcerantur, &
 quedam carbunculis similes sunt, & omnes
 corruptæ multitudinis, & humoris habitum
 erodentis signa existunt. Et de his Hippocra-
 tes: Carbunculi, inquit, per æstatem multi, et
 aliæ quæ sepe uocantur Pustulae magnæ.
 Quamquam autem non σὺψ, sed σὺψις hoc lo-
 co legat ac exponat Galenus, putredinem,
 hoc est σπιρίδινα, ob diuturnam uitiatorum
 humorum in corpore moram, auctam esse ac-
 cipiens, & papulas siue pustulas, à σὺψι se-
 parans: tamen uetustissima Hippocratis ex-
 emplaria, καὶ ἄλλα, à σὺψι λεγέται, ἐκθύματα
 μεγάλα habent: & non uelut Galenus legit,
 & exponit, καὶ ἄλλα à σὺψι λεγέται, ἐκθύματα
 μεγάλα. ita ut seps à putrefaciendo ac ero-
 dendo appellatus esse ipsas pustulas accipia-
 mus, maxime quum idem Hippocrates etiam
 rursus dicat, ὁ σὺψ ἀγγιόντι ἀναδέρμει ὅτι τὸ
 πλεῖστον

Lib. 8 Morb.
 pop. in pestil.
 constituit.

πλεῖον, καὶ ἐκφύματα αὐτῶν καλεῖται. Sicut igitur ab erodendo σῦπε, ita ab erumpendo, id est παρὰ τὸ ἐκθύειν, ἐκφύματα, & à pullulando ἐκφύματα, & ab eo quod per cutem uelut efflorescant, ἑξαυθῆματα appellantur, quæ nobis pustulæ & papulæ dictæ esse uidentur. Neque iam moramur Arabas, & uulgus medicorum illos sequens, siue uariolas, siue rubéolas, siue morbillos illas appellent. Nouit autem Hippocrates etiam has pustulas in febribus continuis, quales etiam sunt pestilentes, oriri. Ita enim ait: Quibus in febribus continuis pustulæ per totum corpus erumpunt, letale, si non purulentus abscessus fiat, maxime autem circa aurem his fieri solet. Quo loco φλυῶνια pustulas appellat, eosdem scilicet quæ etiam φλυαῖναι dicuntur, uelut Celsus quoque meminit: quanquā falso φλυῶνια illic legantur. Idem Hippocrates etiam libro septimo Morborum populariū, Andreæ cui-dam in febre pustulas erupisse dicit. Circa uigesimam quintam, inquit, pustulæ per totum corpus pruriginosæ calidæ, uelut igne ambusta. Dolor autem erat circa locos sub alis, et latera, transiuit ad crura citra signa, & desuiuit. Atque harum papularum, quas hoc loco

In Coacis
prænotion.

Pustularū va-
ria genera.

Βαυδύμια appellat, etiam curationē subiun-
git. Balneum inquit, proderat, & unguenti
illitio cum aceto. Et hinc sanē apparet pustu-
larum uaria esse genera, & colorem uitiati
humoris ipsas referre: & modò exulceratas,
modò sine ulcere, pruriginosas tamen esse: &
aliquando feruentes cum inflammatione aut
dolore consistere: et alias asperiores, alias le-
ues esse: & nunc plures & maiores, ideoq;
etiam deteriores esse, nunc pauciores & mi-
nores: & iam per totū corpus apparere, iam
circa extremas maximē partes consistere: et
deteriores esse quæ citò euanescent, quàm
quæ multo tempore durāt. Malignissimas ta-
men esse eas quæ in facie consistunt. Sicut con-
trā benignissimas, quæ circa febrium solutio-
nes, iuxta labia & nares, bonæ iudicationis
ratione apparēt. Et proximē ab his illas, quæ
pueros ac infantes, aliquando adhuc lacten-
tes corripunt: & amborum horum generum
neque hic curationem aliquam molimur, sed
earum quæ in pestilenti constitutione cum fe-
bribus fiunt, pro relatarum omnium ratione
consideratio facienda est, & curatio institu-
enda ac uarianda: ad quam antea quàm pro-
grediamur, Hippocratis locum de popularū
gene

generibus adscribemus, ex libro de Usu humi-
dorum siue liquidorum, in Græcis exempla-
ribus alioqui corruptum, sed sic legendum:

Τὸ ψυχρὸν ὠφελεῖ τὰ ἐρυθρὰ, οἷα ἄλλη καὶ ἄλλη
ἐκδύει ὑποπλάτη, οἷα διὰ τὸς σπλῆνας ἐκχυρὸς
αὐτοχρῆσιμ, δυσάρεστοι ἢ καὶ ἀπαλροσάρεστοιμ ὑπὲρ
ἐρυθρὰ, μίλασι ἢ καὶ οἷα πρεγγύλα ἐξσαι, δοθιῶας
λίγαι, καὶ ἐν αὐτῇσι τῇσι θέρμολεσίησιμ ἀνίσταται
γενόμενα, καὶ γυναιξίμ ἐν γυναικείω ἀναδρομῇ
ὑπὸ χρωτῇ, καὶ ὑπὸ ἐριδισμῷ δερμάτῃ, ἢ ἱματίωμ
παχέων αὐταί φερέσαι, καὶ ἐξ ὑδρώτων ἐξέδει, ἢ ἐκ
ψυχῇ ἐξάιφους πρὸς πῦρ ἐλθόντι ἢ λείρα θέρμα.
ταῦτα γὰρ ἢ ὑπόθετον ποιήσαι, ἔτι ἐδαμῶς ἐκδύει.
ἐπὶ ὁκόταγε ἐν ψυχῇ γίνεσθαι, ἢ ὁκόσα περὶ αὐτῇ
κεγχρώδεια, ἢ ἐφελκῶς, τὸ μὲν ψυχρὸν βλάπτει,
τὸ δὲ θέρμον ὠφελεῖ.

Hoc est, uelut nos in nostra omnium Hippo-
cratis scriptorum conuersione reddidimus.

Aqua frigida prodest papulis rubicun-
dis, quales alia atq; alia parte sublata erum-
punt, quales per splenia attractoria emer-
gunt: in carnosiss uerò & tenera carne prædi-
tis subrubicundæ sunt: in nigris autem rotun-
dæ, dothienes, hoc est furunculi appellatæ: et
quales in ipsis calidis lauacris oboriūtur, &
mulieribus ex mensiū sub cutē recursu fiunt.

Et ab irritamentis cutis, aut insolita uesti-
 mentorum asperorum gestatione, et ex sudo-
 ris exitu, aut ubi quis ex frigore derepente ad
 ignem, aut calida lauacra accessit. Nam si hæc
 posterius fecerit, nequaquam amplius erum-
 punt. Alioqui quæ ex frigore fiunt, aut quæ
 exasperantur instar milij, deinde exulceran-
 tur, eas frigida lædit, calida uero prodest.
 Hæc Hippocrates. Quum igitur et ex hoc
 loco, et eo quem paulò antea ex septimo li-
 bro Morborum popularium adduximus, re-
 liquorum ferè generum pustularum curatio
 in summa quadam cognoscatur, uideamus
 nunc deinceps de his quæ in pestilentibus fe-
 bribus erumpunt, quam curam requirant. Et
 primum quidem etiam hic, uelut in superio-
 ribus tumoribus ac abscessibus, itemq; car-
 bunculis uena secetur, ad animi deliquium us-
 que, si ex sanguine sit febris, et sufficiat æger,
 et neq; ætas neq; aliud quicquam prohibeat.
 Secunda autem est uena regia, aut etiam ca-
 pitalis, siue cephalica, aut ambæ deinceps,
 hæc posterius, illa prius. Quòd si quid prohi-
 beat, cucurbitularum usus, uenæ sectionis loco
 assumendus est, atq; hæc primum natibus affi-
 gantur cum scarificatione. Deinde etiam sca-
 pulis

Pustularum cu-
 ratio.

pulis, pro uirium, & morbi, & temperamen-
ti ægri ratione, faciendo sanguinis detractio-
nem. Neque hic incommodum fuerit infusum
per clysterem præmittere, aut glādulam sub-
dere, ad communes superfluitates educendas.
Nec omittendum est etiam hic, ut aliquod ex
his quæ per sudorem liberant, medicamentis
exhibeamus, uelut in superioribus dictum est.
Atque hæc antea quàm appareant pustulæ, fu-
turæ tamen expectantur, facere præstabilius
est, dum adhuc uenenosi ac corrupti humo-
res hincinde per corpus discurrunt. Et ante
hoc tempus etiam purgatio humorum, si hi
magis abundarent, & in profundo adhuc sub-
sisterent, faciēda est. Nam ubi iam in cute con-
sistunt, nec superfluitas subest, per cutem ip-
sas euacuare oportet, & non procul distra-
here, contra ipsum naturæ motum, id quod
contingeret, si per uentrem infernè, aut per
uomitum supernè quis euacuare conetur.
Quòd si tamen uenæ sectio, aut cucurbitula-
rum affixio, ante pustularum eruptionem fa-
cta non esset, neque tunc facere incommodum
esset, quo natura superfluo multitudinis one-
re leuata, id quod reliquum est eo potentius
ad cutem propellere possit. Et ut hoc procli-

uius contingat, adiuvanda est etiam natura, exhibitis his quæ papularum materiam ad cutem propellere possunt, quale est lentium decorticatarum decoctum, & per se, & additis caricis, aut uvis passis, & fœniculi semine, aut etiam radice, itemq; intybi radice: uel in hunc modum, ut recipias lentium decorticatarum manipulum unum, seminis fœniculi semiunciam, tragacanthæ drachmas duas, & ex his aqua decoctis ad dimidias, aut ad tertiam partem, decoctum ipsum bibendum præbens, cum zaccharo edulcatum. Sunt qui etiam per admotas cucurbitulas, aut etiam per affixas hirudines, papulas prolicere conantur, quemadmodum tumoribus easdem apponi, in superioribus diximus: sed in hoc diligens animaduersio habenda est, ne dum naturam hac parte iuuare tētamus, motum ipsius præuertamus, atque sic impediamus, & magis obturemus, quàm euacuemus, & uires debilemus, quarum attritione æger in non leue discrimen adducetur. At uerò ubi iam extent pustulæ, ad hoc properandum est, ut maturescant & rumpantur, & resiccentur ac decidant. Quare eas quæ non sua sponte rumpuntur, & tamen dolore infestant, etiam acu
t4 acu

ta acu perforare oportet, ad commodum saniei defluxum, ne uidelicet hæc diutius suppressa partem erodat: deinde contentum in ipsis humorem leniter exprimere, ita ut cutis præposita sinatur, donec ad cicatricem perductum fuerit id quod sub ipsa est exulceratum, etiamsi uulnuscule occluso repletam sanie pustulam iterum atque iterum perforare ac exprimere opus sit. Assidue itaque sanies detergatur cum serico crudo, aut tenerissima lana, ut ne uulnuscule occludatur, et tamen cuticula indiscreta sinatur. Et postea cerussa cum thure ex rosaceo & uino dulci illinatur: aut spuma argenti cum thuris manna & rosaceo. Possunt autem hæc etiam in cerati formam reduci, & partibus uicinis imponi, ita ut aqua paretur pustulis tantum resiccandis admouenda, in hunc modum. Lentium, & rosarum rubrarum, & foliorum myricæ, singulorum manipulus, ligni sandali rubri semuncia, salis communis uncia, & caphuræ scrupuli dimidium, ebulliant in aqua rosacea ad tertiæ partis consumptionem. Et hac aqua linteolum imbutum ac expressum pustulis solis ex leui contactu admoueatur, diligenti animaduersione habita, ne nimius inde dolor,

aut

Aqua pustulas resiccans

aut etiam abscessus inducatur. Postea uerò un-
guentum album Galeni sine aceto paratum,
illinatur: aut unguentum de cerussa: aut spu-
ma argenti & cerussa cum oleo rosaceo &
cera ad unguēti formam redacti: aut spumam
argenti & sulphur uiuū æquis portionibus,
cum aceto & oleo myrteo ad strigmentitiam
spissitudinem trita, cum uino & oleo rosaceo
illinito. Et pustulas quidem in facie consisten-
tes aqua calida sæpe proluere ac mitigare o-
portet. In reliquo uerò corpore spongijs cali-
da imbutis diutius fouere, maximè prurien-
tes. At crustis remouendis satis est butyrum
cum aqua rosacea lotum illinere. Atque hæc
ferè est curatio in summa quadam descripta
pustularum in pestilenti constitutione appa-
rentium. Nec multum ab hac curatione eua-
riat ea quam rubores, ἰσχυροὶ ῥοδοὶ Hippocrati
uocata, requirunt: qui & ipsi in pestilentibus
febris per totum corpus oriūtur similes cu-
licum morsibus, unde etiam μύδια, hoc est,
uibices appellantur, quum neq; ulcus, neque
crustam faciant: quanquam etiam aliquando
ulcerari ipsos cōpertum sit. Huiusmodi rubo-
res etiam Hippocr. in mor. pop. oriri nouit.
Sic de fullone. Fullo in Syro, inquit, phreniti

Lib. 7. morb.
popul.

CUS

cus cū moueretur cruribus tremulis, corpus uelut à culicibus compunctū. Et postea eodē loco de Pherecyde: Octaua, inqt, apparebūt, uelut culicū morsus. Et postea etiam pustulas eosdem rubores appellat, τῶ ἐμφάνοιτο παρὰ τὸ ὕδατος οἷα ἀπὸ λυγρόων, id est, Euphranoris filio pustule uelut à culicū morsu. Et hos non solum fieri dicit, sed etiam quid orientes significant declarat, in Coacis prænotionibus: Rubores, inquit, in manibus ac pedibus perniciosi. Et rursus: Febrientibus quibus rubores sunt in facie, & dolor capitis fortis, & uenarum pulsus, his sanguinis fluxio plerunque contingit. Quāquam hi in facie rubores, sanguinis per nares eruptionem molientis in febribus signa sint, & diuersi generis ab eo de quo hic agimus. At rubores in extremis partibus in morbis acutis orientes, deficientis iam naturalis caloris significationē exhibent, & morbi uictoris uelut erecta de illo trophæa apparent. Sic etiā dixit, lingua tremula cum rubore iuxta nasum, malum est. Et in peripneumonijs siccis rubores in pectoribus sublato, perniciosos esse dicit. Et nos iam sepe uidimus, nullos peripneumonicos in quibus rubores essent, huiusmodi euasisse: & nuper

ad

ad quendam acciti, cui à quarta usque ad decimam diem tales rubores & in pectore, & in dorso, maximè tamen in cruribus latiores quàm alibi essent, quum priori cuidam medico superinducti essemus, qui gangrænam morbum esse putaret, & unguentis ac emplastris & cataplasmatibus, pro more quodam suo impositis, curationē moliretur, discessimus prædictione facta, illum perituum esse sub decimumquartum diem: quod etiam contigit, medico illo adhuc strenuè in gangræna delēda se fatigante, *ὅτι τὸν περὶ τοῦ μὲν ἰσχυροῦ καὶ ἀσθενεῖος* *ἔστιν ὁ*. De talibus ruboribus etiam alia eiusdem Hippocratis prænotio est eodem libro, ac loco non longè à iam relato. Qui circa articulos, inquit, rubicundus in superficie pustulas habent, in super-rigorem: hi circa ventrem & inguina rubescunt, uelut ex plagis dolorosis, et moriuntur. Sed hæc longius et extra propositæ tractationis rationem, quare iam ad prænotationis in peste signa progrediemur.

Signa prænotationis de uita aut morte peste correptorum. Cap. VII.

Quod igitur ad prænotationis signa, quæ ex relatis tumoribus, abscessibus, carbunculis

bunculis, pustulis, ruboribus sumuntur, attē-
net, ita ferē in totum cōstituendum est, quōd
quanto citius hæc apparent, & remotius à
principalibus partibus depulsa, tanto maio-
rem spem faciunt uirium robustarum, et hoc
eo amplius, si æger alleuari ac melius aliquā
to habere uideatur. Contrā uerò si horum e-
ruptio moretur, aut satis etiam citò appa-
reat, circa partes tamen principales, & præ-
sertim cordis loca, ad quæ illud uelut emun-
gere se solet, nec inde alleuetur æger, timorē
mortis inducit: & tunc maximè si quid ho-
rum rursus euanescat: quanquam in pustu-
lis ac ruboribus compertum sit aliquando e-
uanuisse hos, & tamen conualuisse ægrum.
Atq; ita uidetur etiam Hippocrates docuif-
se quum ait, Vlcus autem siue prius factū fue-
rit, siue in morbo accesserit, cōsiderare oportet.
Si enim periturus est homo, ante mortem
liuidum ac siccum erit, aut etiam pallidū &
siccum. In carbunculis itaque color uiridis,
aut liuidus, aut niger, letales censentur: rubi-
cundus autem & flauus, aliquā salutis spem
secum afferunt. At in pustulis ater, aut ad ni-
gredinem tendens, mortem præfagiunt. Ean-
dem prænotationem etiam rubores exhibent,
si ad

In lib. Præno.
principio.

si ad atrum aut liuidum calorem tendunt. Si uerò pustulae fuerint paruae, paucae, hinc inde per corpus dispersae, coloris albi aut sub rubicundi, & satis molles, salutem sperare licet. Verum ad omnia haec intelligendum est, etiam uires ualidas esse ac uideri oportere. Nam his languescentibus etiam alia bona signa merito suspecta esse debent. Vrinarum praesagium incertum est, uelut etiam in superioribus diximus. Itaque neque in bona multum fiducia ponendum est, neque de mala penitus desperandum, etiamsi nihil boni mala promittat. Rectissime enim monuit Hippocrates, in omni anno, & omni tempore, mala malum, bona bonum significare. Et proinde utrorumque collatione diligenter fulta, utra plura aut potiora fuerint, in eam partem, tum in acutis morbis omnibus, tum in popularibus ac peste praenotionem facere oportet. Assidue certe nausae cum uomitione, aluus immodice fluida, cum animi deliquio & uirium exultatione, sudor frigidus circa faciem & pettus, aut totum corpus, non sunt signa moriturorum, sed iam iam morientium.

Vrinatum indicij incertitudo.

In lib. Praeno, fuit.

Epilogus.

Haec in praesens de peste commentari, & in publicum edere satis esse duxi, & sufficient omnino


omnino his qui methodi medendi gnari, & his uelut commonefieri se patiuntur, ad ea obeunda ac præstanda, quæ ipsi antea & didicerunt, & meminerunt. Nam si quis ad hæc ad hæc præscripta usurpanda se conferret, haud scio an cum fructu, & sua & aliorum utilitate hæc sequetur. Sunt tamen quædam in his, quæ etiam idiotis penitus utilia esse possint, si probe cognita aut sequi, aut uitare uoluerint, prout alterutrum faciendum monuimus. Cognoscent autem & hinc studiosi, qui nos hactenus sectati sunt, nostram erga se uoluntatem. Nam in ipsorum maxime gratiam eiusmodi labores suscipimus. Quandoquidem uero Medicorum, qui in Germanicis urbibus hinc inde non pauci publicis stipendijs conducti degunt, et physici etiam uulgo appellari solent, officium est ut non solum presentia diligenter curent, sed etiam de futuris malis, maxime si quid populariter grassaturum imminet, candidè admoneant, uolo et eas in quibus superiore ætate uixi urbes, & in qua nunc dego patriam, hinc intelligere meam erga se fidem, ac in præstando officio integritatem: & spero etiam illas bonam erga se uoluntatem meam hinc agnitas esse.

Medicorum
physicorum of-
ficium.

Et tibi quoq; Clarissime Mordisi, gratiam se
debere confessuras, quòd hæc in tui nominis
splendore in primis apparere uolui: cui ob
eximiam eruditionem prudentiamq; ac reli-
quam uirtutem commendatissimus esse cu-
pio, Et hæc Salue Et Vale adscripto missa
esse uolo, è Zuiccauo, Anno à natali
Christi millesimo quingente-
simo quinquage-
simo.

Librorum De peste, à
Iano Cornario
editorum,
Finis.

I A N V S C O R N A R I V S
 Medicus physicus Ioanni
 Trogero Gordelicen-
 si physico S.D.



Vum tot extēt ubiq; libelli, qui
 de peste præcipiunt, nō solum
 Græcorum & Latinorum au-
 torū, sed etiam Barbarorum,
 & Gallorum ac Italarum,
 practicorum appellatorum medicorum: &
 quidam etiam uulgare lingua editi. Deinde
 tot habeantur in omnibus pharmacopolijs
 antidota, eclegmata, trochisci, pastilli, pul-
 uilli bezoartici barbara appellatione inscri-
 pti, quæ omnia partim præsumenda, partim
 in primo mali sensu accipienda, partim post
 insultum & occupatum iam corporum sta-
 tum ingerēda, adhibenda, facienda, fugienda
 præscribuntur, exquisito utendi modo addi-
 to, & singulorum temporum serē momento
 obseruato, apud eos qui diligentissimi ex istis
 haberi uolunt: Postea uerò etiam illud Poe-
 tæ teneas, τὸ δὲ δ' ἔα φθινύσκειν ἐνὰ νύκτι δού.
 Sunt enim quos ne Iupiter quidem seruare
 possit, aut seruatos uelit. Inuitū quis enim ser-

Practici me-
 dici,

uare laboret, ait ille: non uideo quid à me requirere debeas amplius, præsertim in his deligendis adeò ipse iudicio præstans, ac longo usu instructus, ut quæ in his probanda sunt, abundè dijudicare possis. Et alioqui hæc res breuibus à me præstari adeò nō potest, ut nō dierum aut paucorū mensium spacio absolui possit, quod meum nomē præferre patienter feram. Quantum autem hinc documenti, ea quæ in Hippocratem ac Galenum molior, paterentur, facile ipse æstimabis, etiamsi ego nullus dicam, nec adijciam nouum, ac immensum laborem recens susceptum, totam Platoniam philosophiam illustrandi et ad latinos transcribendi. Quod porrò ad duos illos mihi adducas & te tertium collegam attinet, fac quod facis, nō modò accuratè ac diligenter, sed etiam properè ac festinanter, quantum res ipsa ferre uisa fuerit. Nam ita turbato circa religionem totius Germaniæ statu, non scio quæ satis matura properatio censeri possit, ne aliquid mali propter uicinum malū patiare. Sed perturbabat te quartana arbitror, laudatissima illa febris, Encornio quondam Phauorini philosophi celebrata. Ex qua etiamsi tu nunc molestias sentis,

tamen

Quartanae
laus.

tamen aliquando exclusa illa, talem corporis habitum acquires, ut quasi renatus esse tibi uideri possis. Hoc est enim quod omnes, qui aliquando ex illa laborarunt confitentur. Et alioqui rationi consentaneum est, post exagitatam ac expurgatam grauissimum corporis humorem, magnam reliquorum moderationem sequi. Quæ res tibi octauæ septenarij climacterici annum, ut arbitror, egresso, aut propè in eo consistenti, de successura quietâ ac iucunda uita magnifica quædâ promittit. Nosti autem ueteres ferè omnes, & ipsos etiam medicos diligentissime hos climactericos annos obseruasse, ut qui ferè semper in corporibus mutationes & morbos moueât, in his maxime qui certum quoddam uictus præscriptum sequuntur, non nimis laboribus, aut defatigationibus, aut repletionibus se tradentes, non tamen omnem excessum exquisitè adeò seruantes, si occasiones ferant, ueluti in Germania nostra mos est, amicos aliquando obsequi, & largius se poculis inuitare. Et non solum morbos, & corporum mutationes, annis climactericis siue scalaribus, à scansili annorum lege appellatis contingere, sed etiam mortes, in multis præstan

Climacterici
anni.

Annus 63.

Aristotelis
mors.Septenarij
numeri vis.

tibus nostro æuo hominibus animaduerti, & maxime septimo et octauo climacterico: quæ tamen ueteres magis obseruarint & timuerint nonum, qui est annus sexagesimus tertius, quo Aristoteles discessit. Et hunc se excessisse Augustum Cæsarem gloriari legimus his uerbis, à Gellio ex epistola eius ad Caium relatis: Spero te letum & bene ualentem celebrasse quartum & sexagesimum natalem meum. Nam ut uides *ἑξήμαχτηρα* communem seniorum omniū tertium & sexagesimum annum euasimus. Sunt autem sexaginta tres anni, nouies septem, aut septies nouem anni, ita ut de septimo anno in septimum, quasi de scalæ gradu in alium gradum transitus fiat, non sine periculo. Sicut scandentibus non firmato in scalæ gradu pede periculum imminet, sed ubi iam de gradu in gradum se transmouent. Atq; hoc est quod etiam Hippocrates in libro de Carnibus dixit, & multis argumentis probat, uitam hominis septem dierum esse, & totam hominis naturam septenario numero subiectam esse. Quum autem idem Hippocrates eiusdem libri fine dicat, se in alijs locis declaraturum esse hanc naturæ necessitatem, quapropter in septem hæc singula dispensen

EPISTOLA.

133

pensentur: optandum esset ea illius scripta
 extare, in quibus hanc rem clarius declara-
 uit. Nā in his quæ extant, nihil luculētius di-
 ctum reperimus, de hac naturæ cū Septena-
 rio necessitate. In libro enim de Septimestri
 partu simpliciter dicit, annorum septenarijs
 multa in corporib. insignia fieri. Et in Apho-
 risms, plurimas pueris affectiones tum in se-
 ptem mensibus, tum in septem annis iudicari
 dicit, quasdam etiam ad pubertatem accede-
 re, hoc est bis septimum annum, & tunc fi-
 niri, aut diuturnas fieri. Sed quid ago qui
 hæc ad te perscribo, ueteranum adeo Hippo-
 cratis copiarum sectatorem? Galenus meus
 Latinus editus extat. Græcus idem infinitis
 locis à me correctus, ex officina Ioannis Her-
 uagij, industrij et admodum diligentis ac eru-
 diti typographi edetur. Diui Basilij opera
 Græca à me collecta, & ad uaria exemplaria
 correctæ, ex officina Frobeniana illustri illa,
 & per omnem Europam celebri edentur, Iu-
 lio pontifici Neopyrgensi inscripta. Et Lati-
 nus quoq; noster inde in illius nomine appa-
 rebit. Edentur etiam Commentarij nostri me-
 dici in Galeni libros *κατὰ τόπους* scripti, à me
 reuisi & aliquāto auctiores. Paulus Aegineta

3. aph. 25.

Cornarij ope-
ra & labores.

& mea

in illum dolabellæ nondum repererunt emptorem. Symposium nostrum Germanicum, ad Platonicum & Xenophonticū adiectum, credo te habere. Præfationem siue libellū nostrum de Recto rerum iudicio, in Platonica quedam scriptū, cum hoc tabellione tibi mitto. De diurnalibus in Hippocratem à me institutis incertum est, advesperascit Domine, & nulla profectò est tantorum laborum gratia, aut utilitas quæ ad nos deueniat, ut ego, illud sepe mihi obmurmurem: Omnia sunt ingrata, nihil fecisse benignè est. Vale, & ualitudinem tuam diligenter cura, mi Trogete.

Zuiccanij, Dominica Esto mihi.

Anno Christi

1500.

Basileæ, per Ioannem Heruagium, anno Domini

M. D. LI.

